



IZBORNI PROGRAMI

NAROD I PRAVDA

*Najčitaniji
magazin u
2022.*



Pismo predsjednika
Elmedin Konaković

Stranica 5.

Intervju
Kemal Ademović

Stranica 22.

Analiza: EU i NATO put BiH
Denis Zvizdić

Stranica 56.

I ZEMLJA I LJUDI DRŽAVA

I ZEMLJA I LJUDI DRŽAVA



Sadržaj

5	Pismo predsjednika
6	1. Antikorupcija - bez kompromisa
8	2. Obrazovanje, nauka i odgoj – zemlja znanja i progresa
12	3. Privreda – zemlja preduzetništva i razvoja
16	4. Strateške grane privrede
22	Kemal Ademović - Ispunjavanje obećanja građanima je obaveza i temelj dobre politike
26	5. Radnička prava – zadovoljstvo i dostojanstvo radnika
30	6. Pravosuđe – pravda za svakog čovjeka
34	7. Javne finansije – proaktivna transparentnost
38	8. Javna uprava - na usluzi građanima
42	9. Zaštita okoliša – čista i zdrava zemlja!
46	10. Saobraćaj, transport i komunikacije – brža i sigurnija BiH
50	11. Bolje zdravstvo – pravo na liječenje svakog čovjeka
54	12. Socijalna politika – pomoć u cilju rasta i razvoja
56	Denis Zvizdić - Strateška opredijeljenost Bosne i Hercegovine ka euroatlantskim integracijama
60	13. Odbrana, sigurnost i zaštita – sigurna zemlja
64	14. Boračka populacija – sistemsko zbrinjavanje zaslužnih kategorija
66	15. Sport - aktivne i zdrave generacije
68	16. Kultura – odbrana kulturnog identiteta BiH
70	Denis Bećirović - Sedam (7) razloga zašto glasati za Denisa Bećirovića
72	17. Međunarodna i regionalna politika – na putu u NATO i EU
74	18. Dijaspора i povratnici – veza s domovinom i održivi povratak
78	Specijal - Mladi – Budućnost Bosne i Hercegovine

Tim za pripremu programskih dokumenata:

Rusmir Pobrić, Mia Karamehić Abazović, Adnan Hidić, Admir Gušić

Dizajn: Muhamed Ožegović



Pismo predsjednika

Narod i Pravda gazi petu godinu borbe za jaču Bosnu i Hercegovinu, strpljivo, uporno i istrajno. Nismo izabrali revoluciju na ulici niti anarhiju, već predan politički rad, institucionalnu borbu i demokratske izbore. Ta borba jeste duža i iscrpnija, ali su joj temelji čvršći jer ih gradi slobodna volja i povjerenje građana.

Kada se osvrnemo iza sebe, s ponosom možemo reći da smo napravili vidljive iskorake i donijeli nove vrijednosti u politiku, vraćajući vjeru građana u institucije države. Govorili smo otvoreno, nismo se nikada krili iza nepotpisanih tekstova i lažnih profila. Nismo išli utrtim stazama, nudili smo svoja rješenja. Naše koalicije nisu bile matematičke, nego programske. Poštovali smo naše dogovore, nismo lagali ni našim koalicijskim partnerima ni građanima. Na odgovorne funkcije birali smo stručne i etične kadrove. Svi oni su u svojim resorima ostvarili mjerljive napretke. Njihove mandate nisu obilježile afere već rezultati koji su građanima donijeli korist u svakodnevnom životu.

Danas, tamo gdje su kadrovi Naroda i Pravde preuzeli odgovornost da vode vlast, političari moraju prijavljivati i dokazivati porijeklo svoje imovine. Institucije moraju javno prikazati ko je zaposlen u njima i koliko je plaćen. Danas, tamo gdje kadrovi Naroda i Pravde vode vlast, djeci su plaćeni vrtići, a osnovci imaju besplatne knjige. Danas, tamo gdje kadrovi Naroda i Pravde vode vlast, mlade majke, porodilje primaju 1.000 KM mjesečno, i zaposlene i nezaposlene, a studenti informacionih tehnologija, budući inženjeri i programeri, studiraju besplatno. Privrednici imaju veće i transparentnije poticaje. Kulturna izletišta, nakon što su 30 godina propadala u mraku i smeću, danas svijetle, čista i ispunjena dječjom igrom. Nakon 60 godina, glavni grad dobija nove šine i tramvaje. Studenti s periferije vozom mogu doći na fakultet. Nema redukcija vode. Škole i bolnice dobijaju nove fasade, a porodice i djeca šehida i palih boraca podršku, stanove i stipendije...

Nikakve laži režima ne mogu prekriti naše rezultate, jer su ih ljudi vidjeli i doživjeli. Njihovih laži se ne bojimo i na svaku ćemo odgovoriti samo istinom. Gledajući ih u oči.

Naš je cilj da nastavimo s reformama i da sve dobro što smo napravili zaživi na svakom pedlju naše zemlje, Bosne i Hercegovine. Možemo to, bez imalo sumnje, zajedno. Dokazali smo da je moguće.

Danas se vodi teška borba za opstanak države Bosne i Hercegovine, najmanje na tri fronta.

Na jednom frontu bje se bitka protiv podjele zemlje, bitka za očuvanje cjelovitosti Bosne i Hercegovine, za njenu teritoriju i imovinu. Na tom frontu ne uzmičemo ni pedlja.

Na drugom frontu vodi se borba za očuvanje stanovništva na ovoj našoj bosanskoj zemlji, na zadržavanju mladih, na rađanju novih generacija, na povratku onih koji se žele vratiti u svoju domovinu. Toj smo borbi posebno posvećeni.

Na trećem frontu vodi se borba za spas i jačanje državnih institucija, koje su umnogome narušene korupcijom i stranačkom privatizacijom. Na jačanju svake od njih za koju smo preuzeli odgovornost vođenja predano i danonoćno radimo. Jake državne institucije naše su trajno političko opredjeljenje, kao i odgovornost koje smo svjesni.

Na svojoj zemlji bosanskoj, sa svojim ljudima, izgradimo zajedno državu na koju ćemo biti ponosni!

Elmedin Konaković

Predsjednik Naroda i Pravde



TRAJNO OPREDJELJENJE

1. Antikorupcija – bez kompromisa

O predijeljeni smo za beskompromisnu, stratešku, institucionalnu borbu protiv svih oblika korupcije, koja između ostalog obuhvata proaktivnu transparentnost, političku etiku i profesionalno ponašanje izabranih i imenovanih dužnosnika, uspostavu antikorupcijskih mehanizama u skladu s međunarodnim standardima u ovoj oblasti, te intenzivnu saradnju s pravosudnim i drugim nadležnim institucijama.

Principi

- Transparentnost
- Zakonska rješenja
- Strateški pristup
- Međunarodni standardi
- Integritet i politička etika
- Zaštita zviždača
- Profesionalnost



Preuzeto sa portala Klix.ba 17.04.2019. godine



Preuzeto sa portala Klix.ba 18.04.2019. godine

Pravci djelovanja i mjere:

1. Kapacitiranje institucija za borbu protiv korupcije
2. Povećanje rizika i smanjivanje koristi od korupcije kroz zakonska rješenja
3. Smanjivanje diskrecionih ovlaštenja donosilaca odluka i jačanje transparentnosti
4. Podržavanje preventivnih mjera u borbi protiv korupcije
5. Uspostavljanje institucionalnih alata za prijavu korupcije
6. Donošenje zakonske zaštite za lica koja prijavljuju korupciju
7. Uspostavljanje mehanizama proaktivne transparentnosti (javni registri)
8. Osiguravanje transparentnih procesa javnih nabavki
9. Institucionalno sprječavanje sukoba interesa izabranih i imenovanih zvaničnika
10. Osiguravanje transparentnog, efektivnog i pravednog zapošljavanja u javnom sektoru
11. Jačanje sistema interne kontrole i revizije institucija javnog sektora
12. Poboljšanje procesa dodjela budžetskih sredstava kroz transparentne procedure
13. Specijaliziranje pravosudnih organa i svih institucija sa antikorupcijskim nadležnostima
14. Jačanje inspeksijskih i policijskih kapaciteta u oblasti istraživanja korupcije
15. Vođenje snažne i stalne javne kampanje o posljedicama i prevenciji korupcije
16. Saradnja s organizacijama civilnog društva, medijima i akademskom zajednicom
17. Uvođenje programa integriteta u obrazovni sistem i programe javnih servisa
18. Uključivanje privrednika u izradu antikorupcionih politika i razvoj poslovne etike

Predsjedavajući Skupštine Kantona Sarajevo Elvedin Okerić

„Svaka marka uložena u antikorupciju se mnogostruko vraća. Korupcija je rak-rana bosanskohercegovačkog društva i toj se pošasti potrebno suprotstaviti političkom opredijeljenošću i na institucionalan način. Živimo za dan kada će model iz KS biti primijenjen na svim nivoima vlasti širom Bosne i Hercegovine.“

U VRHU PRIORITETA

2. Obrazovanje, nauka i odgoj – zemlja znanja i progresa

Narod i Pravda zalaže se za depolitiziran obrazovni sistem, bez zloupotreba i korupcije, racionaliziran i moderniziran u skladu s realnim potrebama društva, države, privrede i vremena u kojem živimo. Zagovaramo obrazovanje lišeno hiperprodukcije nepotrebnih kadrova, usklađeno s evropskim standardima u kvaliteti obrazovanja, u čijem će fokusu primarno biti edukacija, odgoj i razvoj učenika/studenta i naučno-istraživački rad, uz osiguravanje svih infrastrukturnih, edukacijskih, logističkih i programskih pretpostavki obrazovnom kadru i menadžmentu. Držimo da su maksimalna ulaganja u nauku i naučno-istraživački rad, kao preduvjet za ozbiljan tehnološki i društveni razvoj, prioritet, kao i sistemska podrška projektima saradnje visokoškolskih i naučno-istraživačkih ustanova sa privredom i industrijom, s posebnim akcentom na razvoj informacionih savremenih tehnologija.



Preuzeto sa portala Klix.ba 22.06.2022. godine

Principi

- Predškolski odgoj i obrazovanje za svako dijete
- Savremeni standardi u školstvu
- Priprema za tržište rada
- Moderne i opremljene škole i univerziteti
- Educiran nastavni kadar
- Investiranje u naučne projekte


Pravci djelovanja i mjere:

Osnovno i srednje obrazovanje

1. Temeljita reforma nastavnih planova i programa za učenike osnovnih i srednjih škola zasnovana na ishodima učenja, savremenim naučnim otkrićima i informacijama te redukciji nepotrebnog predmetnog sadržaja i opterećenja
2. Usklađivanje programa i upisne politike u sferi usmjerenog srednjoškolskog obrazovanja s potrebama tržišta rada kroz realizaciju dualnog obrazovanja u saradnji s poslodavcima. To podrazumijeva i opremanje škola modernim alatima i mašinama, kao i stipendiranje učenika i plaćena praksa za one koji pohađaju škole deficitarnih zanimanja
3. Unapređenje infrastrukture i opreme u školama te provođenja digitalizacije i obavezne obuke nastavnog kadra o korištenju savremenih tehnoloških platformi i rješenja, s posebnim fokusom na unapređenje infrastrukture i opreme u vangradskim i slabije razvijenim sredinama
4. Pooštavanje standarda zapošljavanja nastavnog kadra u osnovnom i srednjem obrazovanju kroz uvažavanje kriterija znanja, sposobnosti i kapaciteta prije svih ostalih kriterija, uz kontinuiranu edukaciju i evaluacija nastavnog kadra i davanje stimulacija i bonusa
5. Uvođenje eksternog ocjenjivanja učenika kroz testove i provjere znanja koje će provoditi međunarodni i domaći stručnjaci, kako bi se povećala objektivnost u ocjenjivanju, smanjila korupcija i drugi oblici utjecaja na nastavnike i profesore
6. Poboljšanje procesa inkluzije u osnovnim i srednjim školama, edukacija i nastavnog i pedagoškog kadra, te upošljavanje dodatnog stručnog kadra
7. Uvođenje ambulanti za djecu školskog uzrasta u osnovnim i srednjim školama kako bi učenici imali adekvatan i pravovremen pristup preventivnoj zdravstvenoj zaštiti
8. Povećanje broja djece koja završavaju srednje škole putem uvođenja obaveznog srednjoškolskog obrazovanja koje će rezultirati višom stopom obrazovanja i pružiti priliku za upis na visokoškolske ustanove većem broju mladih



Preuzeto sa portala Klix.ba 15.08.2022. godine



Preuzeto sa portala Klix.ba 19.10.2021. godine

Visoko obrazovanje i nauka

1. Povećavanje izdvajanja za istraživanje i nauku na svim nivoima vlasti
2. Stimulacija akademskog i istraživačkog osoblja za učešće u relevantnim međunarodnim naučno-istraživačkim projektima. Uvođenje obaveze poznavanja minimalno jednog svjetskog jezika kao preuvjeta za zapošljavanje i napredovanje, izuzev u oblastima gdje to nije neophodno
3. Povećanje transparentnosti pri zapošljavanju kadra na javne univerzitete u Bosni i Hercegovini te uvođenje objektivnih i mjerljivih kriterija zapošljavanja koji počivaju na akademskoj i istraživačkoj izvrsnosti
4. Podrška realizaciji međunarodnih programa razmjene studenata, nastavnika i istraživača koji će omogućiti razmjenu znanja i iskustva i pretvoriti javne univerzitete u regionalne i međunarodne obrazovne centre
5. Usklađivanje kantonalnih, entitetskih i državnih kriterija za akreditaciju univerziteta kako bi se onemogućila akreditacija univerziteta koji ne zadovoljavaju uslove opremljenosti, nastavnog kadra i naučno-istraživačkog rada
6. Reforma upisne politike i povećavanje obima upisa studenata na univerzitete kako bi BiH bila u stanju dostići postotke visokoobrazovanih kadrova zemalja EU
7. Podrška STEM (nauka, tehnologija, inženjerstvo i matematika) disciplinama i njihovom budućem razvoju, te davanje prioriteta razvoju fakulteta i instituta koji se bave STEM disciplinama, ulaganje u opremu i dodatnu edukaciju kadra, prioritarno finansiranje projekata iz STEM oblasti, te stipendiranje studenata koji upisuju fakultete ovih disciplina
8. Podrška saradnji visokoškolskih i naučno-istraživačkih ustanova sa privredom i industrijom, s posebnim akcentom na razvoj informacionih tehnologija



Počeo da radi Institut za razvoj preduniverzitetskog obrazovanja KS



Preuzeto sa portala Ekapija.ba 15.03.2022. godine

Predškolsko obrazovanje i odgoj

1. Povećanje investicija u predškolsku infrastrukturu – izgradnja novih te obnova i opremanje postojećih vrtića po savremenim pedagoškim standardima
2. Investiranje u predškolske ustanove u ruralnim sredinama, uz korištenje, adaptiranje i dopunu postojeće školske infrastrukture koja se ne koristi
3. Subvencioniranje cijene troškova boravka u predškolskih odgojnih ustanova
4. Izradu savremenih odgojno-obrazovnih programa predškolskog odgoja
5. Ulaganje u kontinuirano obrazovanje i usavršavanje kadra zaposlenog u ustanovama za predškolski odgoj
6. Značajno povećanje broja djece dobi od 3 do 6 godina u predškolskom odgojnom sistemu.
7. Uvođenje rane intervencije u sistem predškolskih ustanova, s ciljem pravovremenog rada s roditeljima i djecom s problemima u razvoju

Ministrica osnovnog i srednjeg obrazovanja Kantona Sarajevo Naida Hota-Muminović:

“Počeo je s radom Institut za razvoj preduniverzitetskog obrazovanja Kantona Sarajevo koji smo formirali. Pred svima nama je dugačak i težak put razvoja i promjene sistema obrazovanja u Kantonu Sarajevo i Bosni i Hercegovini. Na ovaj način, Institut za preduniverzitetsko obrazovanje postaje važan faktor inovativnih procesa, ali i mjesto koje će potaknuti naše nastavnike da pokažu svoje potencijale u radu sa učenicima. Vrijeme će pokazati da će uspostavljanje ovakve institucije promijeniti ukupan društveni odnos prema obrazovanju.”



Preuzeto sa portala Klix.ba 08.05.2022. godine

3. Privreda – zemlja preduzetništva i razvoja

Narod i Pravda opredijeljena je za strateški usmjerene i na bazi stručnih analiza bazirane ekonomske reforme, kako bi se povećala konkurentnost domaće privrede, povećala produkcija i izvoz, te posljedično povećao broj uposlenih i njihova primanja. Naš fokus jeste razvoj preduzetničkog društva i nove preduzetničke generacije, te razvijanje poslovne infrastrukture, administrativne podrške i cjelokupnog ambijenta neuslovljenog politikom, pogodnog za preduzetničku inicijativu, privredni razvoj i investicije. Zagovaramo stimuliranje izvozno orijentisanih industrija s potencijalom značajnog rasta. Djelovanje Naroda i Pravde u oblasti privrede ima primarni strateški cilj, a to je ostvariti u svakodnevnom životu vidljive održive stope privrednog rasta. Isključivo vidljivim i osjetnim privrednim rastom održanim kroz niz godina imamo priliku popraviti javnu percepciju naše države, smanjiti ovisnost građana i privrede o javnom budžetu, usporiti odlazak stanovništva i razviti zdravo društvo slobodnih građana.

Principi

- Povećanje kupovne moći građana
- Rasterećenje privrede i troškova rada
- Privlačenje domaćih i stranih investicija
- Uvođenje sive ekonomije u legalne tokove
- Stimulacija rasta i razvoja



Preuzeto sa stranice AdnanDelic.ba

Više od milion KM poticaja za modernizaciju, poduzetništvo i zanatlije

Potpisivanjem ugovora završna je aktivnost u okviru realizacije Godišnjeg plana provođenja Programa razvoja male privrede za 2021. godinu



Preuzeta sa stranice Agrokлуб.ba 4.01.2022. godine

Pravci djelovanja i mjere:

1. Olakšavanje i pojeftinjenje prijavljivanja i vođenja poslovanja za mikro i povremene djelatnosti kroz online proces registracije obrta i pojednostavljenu mogućnost online prijave uplaćenog poreza na ostvareni slobodni dohodak
2. Postepeno umanjivanje troškova rada i troškova isplate plaća
3. Nećemo inicirati niti podržati izmjene propisa koje mogu uzrokovati povećanje ukupnih troškova poslodavcima za i na isplate neto plaća zaposlenicima
4. Suzbijanje sive ekonomije na principu nadzora i stimulacije, a ne isključivo restriktivnim mjerama
5. Adekvatno kadrovska kapacitiranje inspeksijskih organa za finansijsku forenziku i nepristrasan terenski rad s ciljem otkrivanja formalnih privrednih subjekata koji pribjegavaju neformalnim metodama u poslovanju
6. Pooštavanje kaznenih propisa po pitanju neprijavljivanja radnika i obavljanja djelatnosti bez odgovarajuće dozvole, na način da kazne prestanu biti stimulativne u mjeri gdje ih takvi poslodavci smatraju operativnim troškovima
7. Postepeno povećanje granice za ulazak u sistem PDV-a, zatim pomjeranje roka za obračun i plaćanje PDV-a, sa 10. u mjesecu na kraj tekućeg mjeseca, te pokretanje procesa utvrđivanja diferenciranog sistema rokova za obračun i plaćanje PDV-a

Delić za N1: Zbog visokih cijena na tržištu pelet će se proizvoditi u KS

BIZNIS | Autor: Vedran Drljević | 30. maj 2022 13:12 - 13:14 | 6 komentara

Podijeli:    



Jedna od mjera Ministarstva privrede Kantona Sarajevo u vrijeme globalne ekonomske krize i visokih cijena peleta je da otvore proizvodni pogon za ovaj energent u sklopu kantonalne firme Sarajevo šume i da na taj način pomogne građanima, kaže za N1 ministar privrede KS Adnan Delić.

Preuzeto sa portala N1 30.05.2022.godine



Obilježen nacionalni dan Bosne i Hercegovine na svjetskoj izložbi EXPO 2020 Dubai

Bosna i Hercegovina jučer je, u prisustvu njene službene delegacije, državnika Ujedinjenih Arapskih Emirata, predstavnika poslovne zajednice i drugih zvaniča obilježila svoj nacionalni dan na Expo 2020 Dubai.

Preuzeto sa portala Source.ba 19.12.2021. godine

8. Iniciranje ukidanja prava na odbitni PDV za neplaćene fakture, te promjenu sistema nastanka PDV obaveze, sa trenutnog sistema nastajanja obaveze po izdavanju fakture, na sistem nastajanja obaveze po naplati fakture
9. Nećemo inicirati niti podržati povećanje maksimalne stope PDV-a sa trenutnih 17%, niti povećanje akciza na gorivo
10. Podrška i razvoj programa finansiranja stručne prekvalifikacije i dokvalifikacije nezaposlenih i podzaposlenih lica u skladu sa iskazanim potrebama tržišta rada
11. Sufinansiranje eksterno implementiranim i evaluiranim programima podrške projektima poslovnih i društvenih inovacija koje kandidira

privatni sektor

12. Podrška i razvoj programa refundiranja dijela troškova nabavljenih sredstava za rad i certifikacije / standardizacije poslovanja, prvenstveno za proizvođače izvoznike
13. Uvođenje naknada za reinvestiranje dobiti, za dio sredstava uloženi u nove određene investicije, za ograničeni prvi period poslovanja od osnivanja firme
14. Formiranje stručnih službi za podršku procesu pisanja projekata po EU standardima i za apliciranje na međunarodne i lokalne javne pozive
15. Zalaganje za ukidanje obavezne fiskalizacije u veleprodajnom sektoru (u FBiH), s ciljem usklađivanja propisa i osiguravanja konkurentnosti na području cijele BiH
16. Racionalizacija broja i umanjeње opterećenja uzrokovanog parafiskalnim nametima - nećemo inicirati niti podržati uvođenje novih ili povećanje postojećih parafiskalnih nameta
17. Kapacitiranje odgovarajućih ministarstava i službi (razvoja, poduzetništva, obrta, privrede i sl.) na način da se doda strateški fokus na privlačenje domaćih i direktnih stranih investicija
18. Kontinuirano uzdržavanje od povlačenja dobiti iz preduzeća u većinski državnom vlasništvu i njeno reinvestiranje, posebno u energetsom sektoru i sektorima komunikacijskih i namjenskih tehnologija
19. Obezbjedivanje stimulativnih kreditnih linija za investicione i razvojne projekte strateških kompanija i sektora
20. Zasebne linije stipendiranja i kreditiranja obrazovanja za kadrove u deficitarnim strateški bitnim oblastima
21. Ujednačen regionalni razvoj, s posebnom pažnjom prema pravednom, strateški i ekonomski opravdanom, usmjeravanju javnih investicija
22. Ubrzati implementaciju odobrenih kredita i započeti izgradnju krupne putne i druge infrastrukture



Preuzeto sa portala Klix.ba 18.12.2021. godine



Preuzeto sa portala Klix.ba 14.4.2021. godine



Adnan Delić, ministar privrede u Vladi Kantona Sarajevo:

„Naš stav je da se nikakvi rezovi na štetu privrede ne smiju praviti, tako smo i postupili pri kreiranju budžeta. Sredstva namijenjena privredi nisu trošak, već investicija. Privreda više ne smije ostati u neizvjesnosti i prepuštena sama sebi, već smo vidjeli posljedice takvog odnosa. Bilo bi to dugoročno pogubno po razvoj.

Bosna i Hercegovina ima izuzetne potencijale i želimo da postanemo poželjno mjesto za investiranje i poslovanje. Svjesni globalnih posljedica pandemije, dodatno ulažemo napore da promoviramo naš privatni sektor, jer nas iz krize ove vrste jedino mogu izvući investicije u privredi. To je način da se u kratkom vremenskom periodu osiguraju nova zapošljavanja, očuvaju aktuelna radna mjesta, utiče na rast stope BDP-a, a time i ostvari pozitivan utjecaj na socijalnu i zdravstvenu zaštitu i kvalitet života svih građana.“

BUDUĆNOST

4. Strateške grane privrede

Poljoprivreda, namjenska industrija, energetika, informacione tehnologije i državna preduzeća

Narod i Pravda opredijeljena je za posebnu podršku strateškim granama privrede u svim segmentima njihovog privređivanja, finansijskog, infrastrukturnog i kadrovskog osnaživanja. Strateške grane privrede u BiH, iako međusobno veoma različite, imaju jednu zajedničku crtu - bez njih nema nezavisnosti, stabilnosti i mogućnosti upravljanja kriznim situacijama, a predstavljaju bazu na koju se sve ostale aktivnosti nadograđuju. Da bi strateške grane privrede mogle odgovoriti na izazove s kojima se susreću država i društvo, one moraju biti kadrovski kapacitirane, neophodno ih je odgovarajuće poticati i osnaživati, moraju biti osigurana adekvatna sredstva za rad i u planiranju treba uzimati u obzir krizne situacije do kojih može doći.

Principi

- Jačanje kapaciteta strateške privrede
- Ulaganje dobiti JP u njihov razvoj
- Energetska nezavisnost
- Savremeni ekološki standardi
- Hrana iz vlastite proizvodnje
- Savremene tehnologije i educiran kadar

POVEĆANJE OD 900.000 KM ← 14

Za poljoprivrednu proizvodnju u Kantonu Sarajevo ove godine planirano sedam miliona KM

M. P. 👍 15



Nastojimo rasteretiti poljoprivredne proizvođače, kazao je Delić/Foto: Shutterstock

15.02.2022. 📌 🗨️ 🐦 ✉️ 🗳️

Za poljoprivrednu proizvodnju u Kantonu Sarajevo u ovoj godini predviđena su sredstva od sedam miliona KM, što je u odnosu na prethodnu godinu za 900.000 KM više, a u odnosu na 2020. godinu to je povećanje od 1,5 miliona KM.

Preuzeto sa portala Klix.ba 15.02.2022. godine

Poljoprivreda

1. Iniciranje procesa kojima će se zapušteno i neobrađeno poljoprivredno zemljište identificirati, kultivisati i usmjeriti u proizvodnju i obradu, te poticanje stavljanja neobrađenog zemljišta u funkciju poljoprivredne proizvodnje
2. Usklađivanje poticajnih mjera između nivoa općina, kantona i entiteta po vertikali s ciljem ostvarenja što većeg i boljeg učinka



Preuzeto sa stranice NarodiPravda.ba

Kemal Hrnjić, predsjednik organizacije Naroda i Pravde Bihać i dugogodišnji rukovodilac u međunarodnoj kompaniji u sektoru proizvodnje hrane:

„Institucije moraju odlučnije podržati poljoprivredne proizvođače i unaprijediti regulatorne okvire, ali i sami proizvođači moraju raditi na poboljšanju kvaliteta svojih proizvoda i produktivnosti svoje proizvodnje. Ne trebamo razmišljati samo šta će biti kada uđemo u EU, jer taj period sigurno iziskuje vrijeme, već trebamo iskoristiti pretpristupni period tokom kojeg se najviše može napraviti. Moraju se oslobađati budžetska sredstva i usmjeravati na poticaj zapošljavanju i kreiranju boljeg poslovnog ambijenta. Neophodno je značajno poticati i ulagati u poljoprivredu i turizam, te iznalaziti sredstva za izgradnju putne infrastrukture za kvalitetniju povezanost poljoprivrednih centara s tržištem. Vidim puno prostora za zapošljavanje i samozapošljavanje mladih ljudi u sektoru proizvodnje zdrave hrane. To moraju prepoznati nadležne vlasti i u što je moguće većem kapacitetu podržati. Zbog aktuelne situacije u svijetu te mogućih problema u vezi s nabavkom hrane, danas je ova tema aktualnija nego ikada. Prioritet je zasijati što više površina.“



3. Razdvajanje poticajne politike za velike sisteme i za mala i srednja gazdinstva
4. Uključivanje sistema robnih rezervi u regulaciju tržišta poljoprivrednih proizvoda
5. Regresiranje ulaznih komponenti u poljoprivrednoj proizvodnji, kao što su sjemenski materijal, đubriva, pogonska goriva i sl.
6. Uspostava registra poljoprivrednog zemljišta kojim će se olakšati sistem poticaja i dio poticajnih sredstava formulirati prema hektaru obrađene površine, a sredstva koja dolaze iz taksi za pretvorbu poljoprivrednog zemljišta vratiti u poljoprivredni sektor
7. Identificirati neobrađeno poljoprivredno zemljište i u saradnji s lokalnim zajednicama izraditi ukupan plan aktivnosti na kultivaciji zemljišta, privođenja namjeni, te njegovoj dodjeli zainteresiranim poljoprivrednim proizvođačima
8. Usklađivanje poticajne politike sa Zajedničkom poljoprivrednom politikom Evropske unije, a s ciljem pripreme ukupnog poljoprivrednog sektora za proces pristupanja Bosne i Hercegovine Evropskoj uniji
9. Izraditi poseban plan razvoja i ulaganja u proizvodnju visokovrijednih poljoprivrednih proizvoda, usmjeravajući dio poticajnih sredstava u ove svrhe
10. Jačanje transparentnosti i mehanizama nadzora nad dodjelom i dosljednom implementacijom poticaja;
11. Stavljanje poljoprivrednih i veterinarskih institucija u funkciju savjetovanja poljoprivrednih proizvođača, njihovo kadrovsko osnaživanje te težnja ka osnivanju selekcijskih poljoprivrednih službi



Preuzeto sa portala N1 29.12.2021. godine



Preuzeto sa stranice fsk.unsa.ba11.08.2022.

12. Ulaganje značajnih sredstava u obrazovanje i obuke poljoprivrednih proizvođača, s ciljem ovladavanja vještinama za postizanje što bolje produktivnosti, efikasnosti, kvaliteta i konkurentnosti
13. U razvojnim bankama (i komercijalnim, putem subvencioniranja) planiranje posebnih stimulativnih kreditnih linija za razvoj poljoprivrede, koje bi u svim segmentima bila usklađene s trenutnim potrebama u primarnoj poljoprivrednoj proizvodnji
14. Podrška programima i projektima zaštite i unapređivanja domaćih autohtonih poljoprivrednih sorti i proizvoda

Ostale strateške grane – energetika, namjenska industrija, IT

1. Formiranje zasebnih linija finansiranja i refundiranja troškova projekata strateških grana privrede: nabavke sredstava za rad, certifikacije i standardizacije poslovanja i proizvodnje, digitalizacije i modernizacije poslovanja
2. Organiziranje i finansiranje stalnih programa stručne prekvalifikacije i dokvalifikacije nezaposlenih i podzaposlenih osoba, u skladu s iskazanim potrebama tržišta rada
3. Stipendiranje i kreditiranje školskog i studentskog života s ciljem jačanja produkcije stručnih kadrova u deficitarnim i strateški bitnim oblastima
4. Razvijanje modela dualnog obrazovanja (Learning by doing), uvezujući obrazovne institucija s privrednim sektorom, s posebnim fokusom na sektor informacionih tehnologija (IT) i softverske industrije koji je u velikoj ekspanziji i nudi adekvatno plaćena i adekvatna radna mjesta, koja mlade stručnjake mogu zadržati u BiH
5. Uzdržavanje od povlačenja dobiti iz preduzeća u većinski državnom vlasništvu, te reinvestiranje dobiti u poslovanje tih preduzeća i poboljšanje njihovih usluga i proizvoda
6. Zadržavanje strateških državnih firmi u javnom vlasništvu
7. Održavanje elektroenergetske nezavisnosti Bosne i Hercegovine, uz poštivanje i upotrebu najmodernijih ekoloških standarda, u skladu s mogućnostima, te postepeno činjenje šire tranzicije ka ekološki prihvatljivijim modelima proizvodnje
8. Postepeno restrukturiranje rudnika i konzervacija kontinuirano nerentabilnih rudnika u strateške energetske rezerve koje je moguće reaktivirati po potrebi, uz zadržavanje nužnog nukleusa znanja
9. Ulaganje u modernizaciju i razvoj domaće namjenske industrije, kako zbog njene potentnosti na međunarodnom tržištu, tako i kao svojevrsnu garanciju za očuvanje mira i stabilnosti u zemlji

URUCENE STIPENDIJE 19

Vlada KS Izdvojila 280 hiljada KM za finansiranje 150 studenata IT programa na UNSA

I. P. 42




11.11.2019.

Ministarstvo privrede Kantona Sarajevo je izdvojilo 280.000 KM u budžetu za finansiranje dvogodišnjeg IT stručnog studijskog programa na Univerzitetu u Sarajevu.

Na Elektrotehničkom fakultetu Univerzitetu Sarajevo danas je potpisan Ugovor o realizaciji programa "Podrška razvoju IT industrije" čime je omogućeno finansiranje dvogodišnjeg IT stručnog studija za 150 studenata.

Preuzeto sa portala Klix.ba dana 11.11.2019. godine

Dejan Kovačević, predsjednik Glavnog odbora Naroda i Pravde i dugogodišnji rukovodilac u sektoru rudarstva i energetike:

„Krizu u elektro-energetskom sektoru posljedica je jednog višedecenijskog neodgovornog pristupa, nestrategičkog, nedomaćinskog. Proizvoljno i neselektivno poskupljenje električne energije kojem je prvobitno pristupila Vlada Federacije BiH nije bilo nikakvo rješenje, već je samo moglo dodatno pogoršati ukupnu situaciju. Zato izražavam zadovoljstvo što smo uspjeli kroz parlamentarnu intervenciju predsjednika Konakovića i njegovih kolega zaustaviti to poskupljenje i ograničiti ga u skladu s očekivanjima privrednika u Federaciji BiH. Tražili smo kao Narod i Pravda da se zaustavi izdavanje faktura i novih ugovora s privrednim subjektima koji prikazuju astronomska povećanja cijena električne energije koja su u pojedinim slučajevima prelazila i 300%, čime su izazivala dodatnu uznemirenost poslovne zajednice. Zahtijevali smo da se pronađe rješenje koje neće devastirati privredne subjekte i dugoročno ugroziti radna mjesta, ali i javne prihode u Federaciji BiH. Pozvali smo i nadležne pravosudne organe da temeljito istraže korupciju u ovoj oblasti, koja je jedan od ključnih uzročnika velike krize elektroenergetskog sektora, jer je evidentno da nakon silnih finansijskih ulaganja u energetske sektor, situacija nikad nije bila teža i neizvjesnija za održivost ovog sistema.“





Izdvojeno

**I Kongres Naroda i Pravde održan
u novembru 2021. godine**

Na slici su Dejan Kovačević - predsjednik Glavnog odbora Naroda i Pravde i Kemal Hrnjić - predsjednik Gradskog odbora Naroda i Pravde Bihać.

KEMAL ADEMOVIĆ

PRVI ZAMJENIK PREDSEDNIKA
NARODA I PRAVDE

Ispunjavanje
obezanja
građanima je
obaveza i temelj
dobre politike

Malo koja stranka je u posljednja dva desetljeća izazvala tolike reakcije javnosti, a posebno reakcije i udare političkih oponentata. Čime je Narod i Pravda zaslužila to kačenje „mete“ na leđa, po čemu se to izdvojila od ostalih stranaka?

Mnogo je toga po čemu je Narod i Pravda drugačija od ostalih stranaka, ali primarni razlog udara na nju je činjenica da je jedina stranka s koalicionim kapacitetom koja je odoljela zagrljaju režima i ulazak u neprincipijelne aranžmane u koaliranju. Opozicija je postojala otkad je demokratske BiH, njeni akteri su se smjenjivali, ali su nakon određenog izbornog uspjeha po pravilu ulazili u koalicije, ne preispitujući način na koji će zajednički djelovati i ne postavljajući principe upravljanja, jer im je to bio lakši politički put. Narod i Pravda izabrala je teži put, ali ispravan. Drugi značajan razlog je taj da se po svaku cijenu pokušava zaustaviti svaki pozitivan politički iskorak i drugačija politička praksa da bi se dokazalo da su sve stranke iste. Treći je što smo zasigurno u mnogim procesima poremetili neke lične interese, uspostavljajući transparentniji sistem upravljanja i jači nadzor. To uvijek mora izazvati reakciju.

Najveći problem s kojim se Bosna i Hercegovina trenutno suočava jeste odlazak ljudi iz zemlje. Može li se u ovakvoj političkoj situaciji dati adekvatan odgovor i rješenje za zaustavljanje ili makar usporavanje tog negativnog trenda?

Svjesni smo toga, naš slogan stoga i jeste „I ZEMLJA I LJUDI - DRŽAVA“. Prevashodno stabilizacijom političkih odnosa i umirivanjem situacije, zatim preuzimanjem poluga vlasti i uspostavljanjem potpuno drugačijeg koncepta upravljanja možemo stvoriti ozračje da ljudi žele ovdje ostati, da ne žele ići. Potom dolaze strateške mjere i projekti koji poboljšavaju svakodnevni život. Ozbiljna istraživanja kažu da je potisni faktor za odlazak iz zemlje jači nego faktor privlačenja izvana, odnosno, da ljudi primarno ne trče za novcem u svijet, nego ih odavde tjera nepravda, neizvjesnost, politička prevara itd. To nam u jednu ruku daje svojevrsnu šansu jer taj potisni faktor je u našim rukama i možemo na njega utjecati.

Često spominjete i u fokus javnosti stavljate pitanje državne imovine?

Država Bosna i Hercegovina je vlasnik svoje imovine. Niži nivoi vlasti je mogu dobiti na korištenje, i to je neophodno zakonski precizirati u Parlamentarnoj skupštini BiH. Nećemo dozvoliti cijepanje državne imovine i teritorije, jer to znači podjelu države. A većina ljudi u ovoj zemlji nije za njenu podjelu. Većina građana ove zemlje je za cjelovitu Bosnu i Hercegovinu u Evropskoj uniji.

U više navrata isticali ste neophodnost jačanja državnih institucija?

Važnost snažne države i zdravih institucija najbolje se pokazuje u vremenima kriza, kada ona treba zaštititi svoje građane. Godinama

upozoravamo da zloupotreba institucija za stranačke interese, korupcija i postavljanje loših kadrova na važne funkcije ruše institucije. Uslovljeni ljudi, zavisni od politike i različitih privatnih centara moći, opterećeni aferama i procesima, ne mogu se posvetiti državi. Naravno, mnogo jače države od BiH u teškim situacijama traže međunarodnu podršku, tako je i naša zemlja još uvijek u velikoj potrebi za međunarodnim političkim intervencijama. Međutim, i na tom smo planu institucionalno zakazali, međunarodne konekcije su zapuštene, sve ozbiljnije su svedene nažalost na neke lične odnose lidera. Verujem da još imamo prijatelja u svijetu, ali je potreban proaktivan pristup i jačanje diplomatskog aparata, to je naša obaveza, zadatak koji je pred nama. A paralelno s utakmicom na međunarodnom planu, moramo jačati svoje institucije kroz suzbijanje korupcije i postavljanje kompetentnih kadrova.

Kako vratiti povjerenje građana u politiku i državne institucije?

Držim da ispunjavanje predizbornih obećanja mora biti osnov politike, da se konačno građanima počinje ispunjavati ono što im je obećano, i više od toga. Zbog toga su dali svoj glas i povjerenje. Laži i prevare su otjerale puno ljudi iz ove zemlje i izrodile nepovjerenje prema politici i institucijama vlasti. Ta ukorijenjena praksa mora prestati. Tamo gdje procese vode kadrovi Naroda i Pravde, a tu prije svega mislim na Kanton Sarajevo, bilježimo dosta ispunjenih obećanja i implementaciju važnih projekata. Brojni su primjeri, iz različitih

sektora, u ovoj Izornoj platformi su u dobroj mjeri prezentovani, jer želimo promovisati i graditi takvu političku kulturu – ne na praznim obećanjima, već na ispunjenim obećanjima.

Narod i Pravda koalira na programskoj osnovi. Koliko je važan taj koncept na kojem je uspostavljena Trojka i usaglašenost opozicije oko zajedničkog kandidata za člana Predsjedništva BiH?

Kada govorim o koaliciji Trojka, govorim o konceptu dogovora o zajedničkim prioritetima bez obzira na sve naše razlike, o konceptu koji je dao vidljive rezultate u Sarajevu. Potisnute su razlike koje među nama postoje, a zajednički program koji donosi korist stanovništvu stavljen je na sto. S istim ciljem podržali smo i kandidaturu gosp. Denisa Bećirovića za člana Predsjedništva BiH, potiskujući lične stranačke benefite i podređujući ih općem interesu. Vjerujemo da može biti istinska alternativa onome što gledamo danas. Nama je interes države i građana ispred svakog drugog interesa i zbog toga i koaliramo. Ako nekad ta koalicija ne bude isporučivala korist za građane, postat će svrha sama sebi i prestat će njen smisao.

Narod i Pravda posebnu pažnju posvećuje mladima i edukaciji novih kadrova. Političku akademiju Naroda i Pravde već je završilo preko 100 polaznika, a ove godine educira se i nova generacija. Imaju li mjesta u politici za toliki broj mladih ljudi?

Bosna i Hercegovina je smanjenjem broja stanovništva kadrovski oslabljena zemlja u svakom smislu. Tako i politički. Državni aparat je veliki i kompleksan i njime moraju upravljati i u njemu raditi kompetentni ljudi, s integritetom. Mi smo na prošloj generaciji Akademije imali gotovo 50 mladih općinskih i gradskih vijećnika, ispod 35 godina starosti, koji su dobili svoju priliku na listama Naroda i Pravde i kojima su građani ukazali svoje povjerenje. Nakon Izborâ imat ćemo i novu grupu mladih zastupnika Naroda i Pravde, neki od njih su nosioci lista, a neki u vrhu i njihov ulazak u skupštinske klupe je izvjestan. Neki su već preuzeli odgovorne funkcije, i u stranci i u javnoj upravi. Već su zakoračili u taj aparat i daju svoj doprinos uspostavljanju sistema i jačanju institucija. Sistemski se pripremamo za preuzimanje odgovornosti upravljanja državom i oslanjamo se na njih. Na mlade ljude ne gledamo samo kao korisnike pozitivnih promjena, već kao njihove nosioce, i dajemo im priliku.

Šta očekujete od predstojećih izbora i kakvim se rezultatima nada Narod i Pravda?

U kratkom periodu, takoreći u pola mandata, uspjeli smo pokazati da se može voditi drukčija politika i tu dobru praksu želimo prenijeti na prostor cijele Bosne i Hercegovine. Želim dati i lični doprinos da se dobra praksa zadrži u Kantonu Sarajevo, da neke nedovršene projekte i procese završimo, a i da neke nove dobre stvari napravimo – i da dobru praksu prenesemo u ostale kantone i na federalni i državni nivo vlasti. Ako u tome uspijemo, postoji realna

šansa za ozdravljenje ovog društva i države. Koncept nulte tolerancije na korupciju i odgovornog i transparentnog trošenja novca građana mora zaživjeti u cijeloj zemlji. Zato je važno da podrška građana kandidatima Naroda i Pravde bude što veća. Na nama je da uložimo maksimalne napore i predstavimo naš dosadašnji rad, a imamo šta pokazati. Na kandidatskim listama ponudili smo dosta dobrih kandidata, dobrih ljudi. Tu smo također napravili iskorak – jedina smo stranka koja je sebi pravilnikom propisala da u vrhu listi moraju biti mladi kandidati, da tu novu generaciju koju pripremamo za preuzimanje odgovornosti pozicioniramo u tijela odlučivanja. Ponosni smo i na činjenicu da se vodila pažnja i o nacionalnoj i spolnoj zastupljenosti, vodeći primarno računa o kvaliteti kandidata, zadržavajući kontinuitet i dosljednost.

Često spominjete dijasporu i neophodnost institucionalnog uvezivanja dijaspore s domovinom. Šta dijaspora može očekivati od Naroda i Pravde?

Može očekivati otvorena vrata Naroda i Pravde i institucija na čijem se čelu nalaze predstavnici Naroda i Pravde. Lijepe riječi više ne mogu povratiti povjerenje dijaspore u ljude koji vode procese u domovini. Mi ćemo nastojati da govorimo djelima. Neke projekte već smo započeli. Djelovat ćemo dvosmjerno. Stavljamo se dijaspori na raspolaganje, krenuli smo prema njoj da pojasnimo naše opredjeljenje, da uspostavimo

sistem koordinacije i da je pozovemo da se priključi borbi za opstanak domovine. Dijaspora je jači dio BiH i u obrazovnom, i u ekonomskom, i u socijalnom, i u svakom drugom smislu i sudbina ove zemlje uveliko zavisi od toga koliko će se bh. dijaspora angažovati na izgradnji veza s domovinom.

S obzirom da ste bili ratni komandant specijalnih jedinica MUP-a, odlikovan najvećim priznanjima, nemoguće je kao političku ličnost odvojiti vas od tih ratnih asocijacija i tema. Koliko Vam to predstavlja teret u današnjem političkom angažmanu?

Istina, obilježila me je ratna prošlost, ali sam kao političar primarno okrenut budućnosti, miru i prosperitetu. Kultura sjećanja je važna, ali ne kao sredstvo političke manipulacije, već kao pouka da se bude oprezno i spremno kako se zlo nikada više ne bi ponovilo. Narod i Pravda je apsolutno opredijeljena za budućnost, za dijalog, za politiku koja će omogućiti bolji život i opstanak naroda na ovim prostorima. Kad se ekonomski oporavimo, kad zaustavimo trend masovnog odlaska mladih iz zemlje, kad profunkcioniše zdravstveni sistem, kad reformišemo obrazovni sistem, kad postanemo pristojna svjetska destinacija, onda možemo otvoriti diskusiju oko najtežih pitanja iz prošlosti. Diskusiju koju ne bi vodila isključivo politika, već historičari, domaće i međunarodne pravosudne instance, akademska zajednica ...



Izvojeno

Manifestacija “Odbrana BiH - Igman 2022.”

Na slici su Kemal Ademović - Prvi zamjenik predsjednika Naroda i Pravde, Rusmir Pobrić - Politički direktor Naroda i Pravde, Vernes Mulić - Generalni sekretar Naroda i Pravde i Elvedin Okerić - Predsjedavajući Skupštine Kantona Sarajevo.

NAŠI PRIORITETI

5. Radnička prava – zadovoljstvo i dostojanstvo radnika

Narod i Pravda u vrh svojih prioriteta stavlja pravo na rad i pravičnu naknadu koja omogućava dostojan život i normalan razvoj pojedinca i porodice. Izazovi ekonomske krize i velikih poskupljenja taj su politički fokus dodatno izoštrili. Riječ je o osnovnim pravima i minimalnim preduslovima za funkcionisanje stabilnog, uspješnog i prosperitetnog društva. Narod i Pravda zalaže se za zaštitu i unapređenje ovih prava kao i za zaštitu zdravlja i sigurnosti radnika, prava na odmor i slobodno vrijeme, bolovanje i adekvatno plaćeno trudničko i porodiljsko odsustvo, te ostalih prava, beneficija i pogodnosti nužnih za sigurnost, zadovoljstvo i produktivnost radnika. Podržavamo sindikalne napore koji ciljaju na ostvarivanje spomenutih prava. Suočeni s masovnim odlivom radne snage, želimo učiniti sve kako bismo unaprijedili uslove rada u Bosni i Hercegovini i spriječili demografski i socijalni slom koji prijete državi i društvu.

Principi

- Dosljedna primjena radnog zakonodavstva
- Podrška sindikatima
- Stimulacija privrednicima za poboljšanje uslova radnicima
- Zaštita ranjivih kategorija radnika
- Kažnjavanje zloupotrebe radnika



VIJESTI

Dobra vijest: Nakon 15 godina bit će povećane plate radnicima komunalne privrede u KS

31.12.2021 13:07 Autor: Fena

Vlada Kantona Sarajevo i Sindikat radnika komunalne privrede, posredstvom Ministarstva komunalne privrede i infrastrukture KS, postigli su dogovor o potpisivanju novog kolektivnog ugovora kojim je predviđeno povećanje plata radnicima kantonalnih javnih komunalnih preduzeća, prvi put nakon 15 godina.

Kako je rekao ministar komunalne privrede i infrastrukture, prostornog uređenja, građenja i zaštite okoliša KS Enver Hadžiahmetović, konačan tekst kolektivnog ugovora je dogovoren i spreman za potpisivanje.

Preuzeto sa portala vijesti.ba 19.04.2022. godine

**Biljana Lazarević, potpredsjednica
Naroda i Pravde i predsjednica
sekcije žena Samostalnog sindikata
PPDIVUT BiH:**

„Naši zakoni ne štite sva prava radnika. Lošim zakonskim rješenjima derogirana su prava radnika u privatnom sektoru, koji su bili, a posebno tokom pandemije virusa COVID, na najvećem udaru. Zbog nepotizma, korupcije i zakona koji ne štite radnike, Bosna i Hercegovina je postala zemlja kojoj nedostaje kvalitetna radna snaga. Narod i pravda će se zalagati za osiguravanje jednakih mogućnosti u pristupu ekonomskim resursima. Predlagat ćemo izmjene zakonskih rješenja posebno kada je riječ o zaštiti žena i naknadama za porodilje, bez obzira da li su zaposlene ili ne. Cilj mora biti da svi imamo jednake mogućnosti za razvoj i angažman. Pravo na zaposlenje i rad jedno je od osnovnih ljudskih prava, a neraskidivo je vezan s ljudskim dostojanstvom.“



Pravci djelovanja i mjere:

1. Dosljedna primjena postojećeg radnog zakonodavstva i reforma odredbi koje nisu u skladu s pozitivnim praksama zemalja regiona i Evropske unije
2. Institucionalna podrška osiguravanju prava na rad, pravičnu naknadu i slobodno vrijeme koji omogućavaju dostojan život i razvoj pojedinca i porodice
3. Podrška sindikatima i sindikalnim naporima na unapređenju prava i položaja radnika
4. Unapređenje i povećanje kapaciteta inspeksijskih organa, kako bi se osigurala zaštita prava i zdravlja radnika
5. Rasterećenje privrede uz garanciju proporcionalnog povećanja primanja radnika
6. Podrška programima prekvalifikacije nezaposlenog kadra, kako bi se ublažio utjecaj odljeva radne snage u pojedinim privrednim sektorima
7. Stimuliranje zapošljavanja ugroženih kategorija stanovništva
8. Poticanje poslodavaca koji pružaju kvalitetna, sigurna i stimulatívna radna mjesta
9. Osiguranje prava žena radnica na radnom mjestu, s posebnom pažnjom na poštivanje prava trudnica i majki
10. Podrška usvajanju povelje o zaštiti ljudskih prava u poslovanju, koja između ostalog predviđa:

- jednak odnos prema svim uposlenicima, bez ikakve diskriminacije
- osnove za pronalaženje radnika, njihovo angažiranje, obuku, naknadu za rad i napredovanje su kvalifikacije, učinak, znanje, vještine i iskustvo
- nepostojanje tolerancije za uvredljivo niti bili kakvo neprimjereno ponašanje, nepravično postupanje, odmazdu ili zlostavljanje bilo koje vrste
- poštivanje prava zaposlenika na udruživanje i formiranje radničkih sindikata, te uspostava konstruktivnog kontinuiranog dijaloga



Preuzeto sa portala Radiosarajevo.ba 15.11.2021. godine

- očuvanje radnog okruženja bez nasilja, zlostavljanja, prijetnji i sličnih uznemirujućih i ugrožavajućih okolnosti, poštujući privatnost i dostojanstvo zaposlenika
- zabrana prisilnog angažmana i svakog oblika prinudnog rada
- poštivanje propisa o minimalnoj starosti za radni angažman, ne angažirajući osobe koje su mlađe od 18 godina za pozicije koje se smatraju rizičnim
- potpuno poštivanje zakona koji određuju visinu plaće, radno vrijeme, prekovremeni rad i dodatke na plaću
- uspostava sistema komunikacije i adekvatnog postupanja koji maksimalno štiti povjerljivost, za sve prijave zaposlenih, a u vezi s kršenjem ljudskih prava
- posvećivanje pojedincima i grupama koje su posebno ranjive u smislu radnog angažmana i zaštite prava, te pitanjima koji su posebno aktualna u BiH: zaposlenice trudnice i porodilje, lica s invaliditetom, marginalizirane grupe, Romi i druge manjine, opasni uvjeti rada, kontrola prekovremenog rada i dr.

Početna > Otisak TV > Otisak specijal

Bulčević: Ugovorima se stvara savremena robovlasnička klasa (VIDEO)

OTISAK TV OTISAK SPECIJAL TEME POLITIKA

Subota, 17/07/2021 16:47

7 min. čitanja



Gost šestog izdanja *Otiskovog Specijala* bio je opozicijski zastupnik u Skupštini Brčko distrikta BiH **Damir Bulčević**, prvi čovjek brčanskog NiP-a. Šta bi trebali biti prioriteti Distrikta, može li se iskorijeniti korupcija iz lokalne vlasti, kako se zapošljava u javnom sektoru i postoji li sloboda medija u Brčkom – pitanja su urednika i voditelja emisije **Adisa Mujdanovića** o kojima se govorilo.

Govoreći o prioritetima Distrikta, **Bulčević** je poručio da se u Brčkom puno više mora razvijati realni sektor. On smatra da se cijena rada mora povećati i da privatnici "moraju paziti na radnike kao što majka pazi na svoje dijete". Dodao je da osim specijalne pogodbe sa grupacijom *STUDEN*, u Brčkom nema nekog *buma* u ovom sektoru.

Preuzeto sa portala Otisak.ba 17.07.2021. godine



Vlada Kantona Sarajevo

[Pretraživač](#)
[Kontakti](#)

POČETNA AKTIVNOSTI NAHAPKE PITANJA VLADA AKTI MINGTANOSTIVA ORGANIZACIJE PROJEKTI PHILANTROPIJA LINKOVI

Potpisan Kolektivni ugovor za djelatnosti predškolskog odgoja, osnovnog odgoja i obrazovanja u KS: Veće plate uposlenicima u vrtićima i osnovnim školama

azra.djozo 09.06.2022

Preuzeto sa stranica Vlade Kantona Sarajevo

JEDNAKOST

6. Pravosuđe – pravda za svakog čovjeka

Narod i Pravda nedvosmisleno daje podršku uspostavi nezavisnog, snažnog i učinkovitog pravosuđa, oslobođenog utjecaja politike i interesnih grupa, koje će biti u stanju osigurati vladavinu prava i poboljšava sigurnost građana, beskompromisno se obračunati s korupcijom, organizovanim kriminalom i svim drugim oblicima kriminaliteta, kao i procesuiranjem inspiratora, nalogodavaca i izvršilaca ratnih zločina, dok i posljednji ne bude doveden pred lice pravde.



Konaković: Pravosuđe je potpuno podređeno političkim interesima

Objavljeno: 12.04.2022. 17:05
Uređeno: 12.04.2022. 19:54

Dan nakon stavljanja Asima Sarajlića i Gordane Tadić na ameničku crnu listu tišina. Reakcija ni Sarajlića, ni Tadić nema. Ali ima onih političkih.

Preuzeto sa Federalna.ba 12.04.2022. godine

Skupština Kantona Sarajevo glasala protiv izvještaja o radu Kantonalnog tužilaštva i za smjenu glavne tužiteljice

Azra Husarić Omerović | 8. septembra 2021. 14:06

Zastupnici Skupštine Kantona Sarajevo zatražili su smjenu glavne kantonalne tužiteljice Sabine Sarajlije nakon što su odbili izvještaj o radu Kantonalnog tužilaštva za prošlu godinu koji je ona predstavila.



Preuzeto sa portala Detektor.ba 8.09.2021. godine

Principi

- Nezavisno pravosuđe
- Kapacitirano i učinkovito pravosuđe
- Vladavina prava
- Sigurnost svih građana
- Zakonodavna reforma pravosuđa
- Odgovornost

Pravci djelovanja i mjere:

1. Politička podrška uspostavi nezavisnog, snažnog i učinkovitog pravosuđa, oslobođenog utjecaja i kontrole politike i interesnih grupa
2. Izmjene Zakona o visokom, sudskom i tužilačkom vijeću, odnosno donošenje novog zakona, kao načina da se poboljšava način izbora sudija i tužilaca, jača integritet nosilaca pravosudnih funkcija i njihova disciplinska odgovornost
3. Izmjene Zakona o krivičnom postupku kako bi oštećeni i njegov punomoćnik mogli imati aktivnu ulogu u postupku u smislu predlaganja dokaza, ispitivanja svjedoka i vještaka, čime bi oštećeni bio značajan korektiv za nezakonite postupke ovlaštenog tužioca

Arijana Memić, zastupnica u Skupštini Kantona Sarajevo:

“Naša borba traje već sedmu godinu. Prvi smo koji su javno ukazali na nedostatke u pravosuđu. Svojom upornošću uspjeli smo ogoliti kriminal u pravosuđu, mnoge stvari smo dokazali. Iako su pojedinci iz pravosuđa to negirali, dokazali smo da postoji sistemska korupcija u pravosuđu. Znamo da smo na pravom putu i da nećemo odustati. Vrijeme je da se stane u kraj kriminalnoj hobotnici koja ubija djecu i prikriva ubice.”



4. Uspostava koncepta da svako javno djelovanje mora podlijevati odgovornosti. Ogromna ovlaštenja tužilaca moraju biti praćena zakonskim odredbama o utvrđivanju njihove odgovornosti za učinjene propuste
5. Tretiranja kriminala nosilaca pravosudnih funkcija prioriteto u radu pravosuđa
6. Preciznije regulisanje postupka istrage u smislu obaveze tužilaca na primjenu adekvatnih istražnih radnji, striktnog regulisanja rokova za poduzimanje istražnih radnji i načina rješavanja pritužbi protiv tužilačkih odluka. Također, regulisanje zaštite tužilaca od nelegitimnih naredbi pretpostavljenih glavnih tužilaca, a sve to u kontekstu prakse Evropskog suda za ljudska prava
7. Preciznije regulisanje primjene načela *in dubio pro reo* i aktivnija uloga suda u situacijama sumnjivo potvrđenih optužnica, jer se način potvrđivanja optužnica sveo na puki formalizam
8. Bolje preciziranje formulacija disciplinskih prekršaja i postupka utvrđivanja disciplinske odgovornosti sudija i tužilaca, s ciljem poboljšanja rada Ureda disciplinskog tužioca
9. Kapacitiranje tužilaca i uspostava subordinacije s policijom, ali i jačanje sudske kontrole nad tužilačkim odlukama i radom tužilaca, u smislu prevencije i sankcioniranja disciplinskih prekršaja, te izgradnja kapaciteta za mogućnost ekspertske inspekcije predmeta, u transparentnom procesu
10. Kapacitiranje sudova potrebnim resursima s ciljem brzih i efikasnih postupaka i postizanja visokog kvaliteta postupanja
11. Reforma policije kroz njeno reorganiziranje u kontekstu bolje zastupljenosti struke, transparentnog obnavljanja kadra i pravednijeg procesa napredovanja; modernizacija, edukacija i razvoj sistema cyber sigurnosti, uz jačanje državne koordinacije policije na cijelom teritoriju BiH i poboljšanje rezultata državnih sigurnosnih agencija u ključnim oblastima

„Ono što mogu poručiti svima onima koji su opredjeljeni da podržavaju, da čuvaju sistem koji demotiviše, koji obehrabruje građane, da je došla mlada generacija koja je spremna da se bori za istinu i pravdu.“

Elvedin Okerić, 07.09.2021. godine
Skupština Kantona Sarajevo - Stanje u
Pravosuđu

PO VJE RE NJE!

NAROD I PRAVDA, SPU BIH

www.nip2022.ba

www.spubih.ba

7. Javne finansije

– proaktivna

transparentnost

Narod i Pravda programski je opredijeljena za sistem javnih finansija kao dio sveukupnog procesa podrške privrednom, infrastrukturnom i društvenom razvoju, s ciljem dobijanja adekvatne strukture, efikasnog i efektivnog prikupljanja i transparentne raspodjele budžeta, uz odgovarajuće zaštitne i revizorske mehanizme. Na prihodovnoj strani, prioritet je uspostaviti transparentan “put novca” kroz sistem, te na pravi način pravno riješiti i kadrovski kapacitirati prikupljanje javnih prihoda. Na rashodovnoj strani, naš cilj je činiti tranziciju ka razvojno orijentiranim i transparentnim javnim budžetima.

Principi

- Programski budžeti
- Efikasno i pravedno prikupljanje javnih prihoda
- Transparentna raspodjela
- Razvojni programi i projekti
- Zaštita i kontrola

Zastupnici u Skupštini KS sami sebi ukinuli paušal od 580 KM

23.01.19. 16:21 |

Radiosarajevo.ba



Foto: Admir Kuburović / Radiosarajevo.ba / Skupština KS

Skupština Kantona Sarajevo usvojila je Zakon o plaćama i naknadama u organima vlasti Kantona Sarajevo, a kojim su ukinuti paušali kantonalnim zastupnicima.

Nakon rasprave kantonalni zakonodavci pristupili su glasanju i većinom ruku usvojili predloženi zakon kojim se ukidaju paušali profesionalnim zastupnicima u iznosu od 580 KM.

Preuzeto sa portala Radiosarajevo.ba 23.10.2019. godine

Pravci djelovanja i mjere:

1. Kadrovsko i infrastrukturno jačanje poreskih institucija u oblasti pružanja digitalnih usluga i efikasne saradnje, razmjene podataka i komunikacije sa svim nivoima vlasti i privatnim sektorom
2. Jačanje finansijske forenzike i terenskih inspektorata, koji će u kontrolama djelovati na osnovu transparentnih i reduciranih listi provjera, u svrhu pravovremenog uočavanja mehanizama izbjegavanja plaćanja poreza
3. Pojednostavljenje uplata javnih prihoda i načina njihove kontrole i raspodjele, kako bi se izmirivanje i dokazivanje izmirivanja obaveza prema državi krajnje olakšalo
4. Postepena tranzicija ka sistemu raspodjele javnih prihoda koji proizvodi rast javnih prihoda tamo gdje raste ekonomska aktivnost i naplata prihoda, uz zadržavanje stimulativnih principa i ulaganja u razvoj za ispodprosječno razvijena područja, umanjena poreznih ob na datim područjima, ili kroz direktne finansijske intervencije u budžete
5. Sistem objedinjenih javnih nabavki tamo gdje je to praktično opravdano, s ciljem ostvarivanja povoljnijih cijena i uslova na tržištu
6. Donošenje propisa o jedinstvenom okviru dokumentiranja i formatiranja svih javnih budžeta s ciljem transparentnosti, preglednosti i lakšeg razumijevanja, jasnijeg praćenja realizacije i uporedivosti kroz godine, čime će se između ostalog prekinuti praksa „parkiranja“ budžetskog novca na stavke čija je realizacija neizvjesna ili nerealna u planiranim rokovima
7. Nastavljanje s procesom uspostave javnih registara u kojima se bilježe javni rashodi po osnovu plaća i naknada zaposlenima u javnom sektoru, zatim



VIJESTI

Ekonomsko-socijalno vijeće podržalo Budžet KS za 2020. godinu: Pola...

Ekonomsko-socijalno vijeće za područje Kantona Sarajevo razmatralo je danas i podržalo Budžet KS za 2020. godinu.

U toku je javna rasprava o Nacrtu budžeta u iznosu od 971.375.034 KM, a koji će se u formi Prijedloga razmatrati na sjednici Skupštine 26. decembra.

Kako je naveo ministar finansija Amel Kovačević, Prijedlog budžeta donosi blizu 500 miliona KM investicija u različite projekte koji su fokusirani na rješavanje ključnih problema u kantonu.

Preuzeto sa stranice narodipravda.ba

ESV KS: Subvencije za plin ugrađene u Prijedlog izmjena i dopuna budžeta Kantona



Prijedlog izmjena i dopuna budžeta Kantona Sarajevo za tekuću godinu razmatran je na sjednici Ekonomsko-socijalnog vijeća za područje Kantona Sarajevo.

Iznos predloženog rebalansiranog budžeta je milijardu i 55 miliona, a uvećan je za 114 miliona KM koje će biti usmjerene u kapitalne projekte i mjere Vlade koje za cilj imaju unapređenje kvaliteta života građana, rekao je ministar finansija KS Amel Kovačević.

Preuzeto sa portala UPFBiH.ba

- grantova i poticaja za pojedince i firme, te javnih nabavki i sl., zagovarajući uspostavu predmetnih registara zakonskom obavezom na svim nivoima vlasti, vodeći se principom proaktivne transparentnosti
8. Kadrovsko jačanje i kapacitiranje institucija za reviziju javnog sektora, kako u segmentu finansijske revizije tako i u segmentu revizije učinka, te uvođenje sistema odgovornosti i sankcioniranja u slučaju utvrđenih nepravilnosti upravljanja javnim dobrom u revizorskim izvještajima
 9. Zalaganje za novi koncept sistematizacije radnih mjesta, individualizirane za specifičnosti javnih institucija za koje se radi, s ciljem uspostave podrške za moderne radne procese i favoriziranja operativnog u odnosu na upravni segment, uvažavajući sve potrebe upravnog segmenta, kao i ograničene finansijske mogućnosti javnog budžeta
 10. Efikasna i operativna višefazna kontrola zapošljavanja u javnom sektoru
 11. Racionalizacija funkcija javne uprave kroz koordinirano prenošenje pogodnih funkcija i ovlasti tamo gdje je to opravdano, gdje je moguće i gdje doprinosi proklamovanim ciljevima – uvažavajući političke kompleksnosti i uspostavljene ustavne i zakonske okvire – a s ciljem nepodvajanja funkcija, povećanja efikasnosti i ostvarivanja organizacijskih ušteda
 12. Povećan priliv nenamjenskih budžetskih sredstava (npr. po osnovu ekonomskog rasta ili aktualnih poskupljenja i sl.), primarno će se usmjeravati u investicione, razvojne i projekte i programe podrške, s ciljem razvoja privrede ili povećanja kupovne moći građana



Preuzeto sa portala Fokus.ba 28.09.2016. godine

Amel Kovačević, bivši ministar finansija u Vladi Kantona Sarajevo (Vladi „Šestorke“):

“Da bismo se opredijelili za budućnost, moramo raditi na projektima koji će osigurati da naša djeca ostanu ovdje. Moramo stvarati prostor za investiranje koji će Kanton Sarajevo pretvoriti u nešto što je uspješno. Zato Vlada KS ima obavezu da pažljivo upravlja sa sredstvima koja su na raspolaganju.”





www.nip2022.ba

TRANSPARENTNOST

8. Javna uprava - na usluzi građanima!

Narod i Pravda bori se za transparentnu, profesionalnu, prema građanima orijentiranu, djelotvornu i odgovornu javnu upravu koja treba biti pokretač razvoja i istinski servis građanima. Zagovaramo postepenu i temeljitu reformu administracije, koja podrazumijeva optimizaciju radne strukture kroz prirodni odliv starog i prijem novog kvalitetnog kadra – kroz transparentne i pravične konkursne procedure, kontinuiranu edukaciju službenika, modernizaciju radnih procesa, depolitizaciju službe i osiguravanje njene pristupačnosti građanima. Naš trajni prioritet je racionalizacija troškova rada administracije s ciljem maksimiziranja sredstava za razvoj, donošenje programskih budžeta te participaciju struke i građana u procesu kreiranja i donošenja budžeta i svih drugih značajnih odluka.

Principi

- Depolitizacija javne uprave
- Transparentno upošljavanje
- Dostupnost građanima
- Digitalizacija i modernizacija rada
- Učešće građana u ključnim procesima

Erik Larson: Općina Ilidža je primjer i model za sve općine u Kantonu Sarajevo

07.10.21. 12:47 | 4

Radiosarajevo.ba



Foto: Općina Ilidža / Muzur u društvu Larsona i Kafedžića

U posjeti općinskom načelniku Nerminu Muzur i rukovodstvu Općinskog vijeća, bio je savjetnik za borbu protiv korupcije i upravljanja kvalitetom Erik Larson i šef Ureda za borbu protiv korupcije i upravljanja kvalitetom Erduan Kafedžić.

Općinski načelnik Nermin Muzur izrazio je zadovoljstvo na ponovnoj posjeti te informisao prisutne o aktivnostima koje je Općina realizirala u proteklom periodu.

Preuzeto sa portala Radiosarajevo.ba dana 07.10.2021. godine

Pravci djelovanja i mjere:

1. Donošenje javnih politika planski i strateški, s jasnim pregledom njihove opravdanosti, ishoda, svrhe, plana implementacije, troškova i potrebnih resursa
2. Analize i revizije sistematizacije radnih mjesta na bazi objektivnih i budućnosti orijentiranih potreba društva i građana, a ne na stranačkom zapošljavanju, hiperprodukciji administrativnog kadra i nejednakoj opterećenosti organa uprave i službenika
3. Moratorij na zapošljavanje državnih službenika i namještenika osim kada to nije prijeko potrebno zbog penzionisanja ili odliva neophodnog kadra
4. Uspostava odgovarajućih i javno dostupnih registara o svim zaposlenicima u javnoj upravi, s ciljem evidencije broja, imena i platnih razreda, koji moraju biti javni
5. Direktori organa javne uprave neće imati konačnu riječ prilikom zapošljavanja kroz izbor kandidata s rang liste već će se zapošljavati isključivo prvoplasirani kandidati nakon javnog i transparentno provedenog konkursa, uz obavezu snimanja intervjua za posao u javnoj upravi
6. Razmatranje omogućavanja zapošljavanja na bazi radnog iskustva, a ne isključivo na bazi radnog staža, kako bi mladima koji su stekli iskustvo radeći na bazi ugovora o djelu i drugih sličnih oblika radnog angažmana omogućili jednako pravo na zapošljavanje
7. Preispitivanje mogućnosti niveliranja plaća u javnoj upravi na svim nivoima vlasti, kako bi se izbjegao odliv stručnih kadrova i uvela relativna ravnopravnost u obavezama i primanjima na različitim administrativnim nivoima. Kompetitivne plaće trebaju se omogućiti u onim sferama javne uprave u kojima postoje deficitarni kadrovi koji su u drugim sektorima višestruko plaćeni i nagrađeni brojnim povlasticama. U protivnom, dugoročno može doći do odljeva kadrova koji će onemogućiti efikasnost i stručnost javne uprave
8. Informatizacija i digitalizacija javne uprave su u vrhu prioriteta u kontekstu reforme javne uprave, njene efikasnosti, transparentnosti i dostupnosti, te reduciranja broja zaposlenih u javnoj upravi, radnog opterećenja, reduciranja troškova i smanjivanja potrošnje i količine kancelarijskog materijala, papirnog i sličnog otpada.

Načelnik Muzur panelista na projektu "Jačanje integriteta i transparentnosti u javnom sektoru"



1/11

Share 81 22-03-2022 15:10:58 by Editor

Načelnik Općine Ilidža, Nermin Muzur, učestvovao je na završnoj konferenciji projekta "Jačanje integriteta i transparentnosti u javnom sektoru" koji provodi UNDP uz podršku Britanske ambasade u Bosni i Hercegovini.

Konferencija, koja je održana u ponedjeljak, okupila je predstavnike Vlada Kantona Sarajevo i Vlada Tuzlanskog kantona, 12 jedinica lokalne samouprave, te javnih preduzeća i ustanova, a partneri na projektu podijelili su iskustva i koristi koje će imati od rezultata rada i saradnje.

Preuzeto sa stranice Opcinailidza.ba 22.03.2022. godine

9. Online dostupnost svih javnih dokumenta koji su od značaja i posebnog interesa za građane, poput prijedloga zakona, urbanističkih i regulacionih planova i sl., uz postojanje konsultacijskog procesa za sve zainteresovane građane, a ne samo one kojima obaveze dopuštaju fizičko prisustvo javnim raspravama
10. Uspostava *one stop shop šaltera*, kako bi građani i privrednici mogli na jednom mjestu realizirati sve potrebne procedure
11. Povećanje odgovornosti državnih službenika mehanizmima stimulacije i destimulacije, kreirajući sisteme za žalbe i pohvale građana. Insistirat ćemo da se reakcije građana na državne službenike i namještenike uvrste u postojeći postupak njihovog ocjenjivanja, ali i da se odgovorni i predani državni službenici nagrade kroz dodatne mogućnosti edukacije, usavršavanja i bržeg napredovanja u službi

Nermin Muzur, potpredsjednik Naroda i Pravde i načelnik Općine Ilidža:

„Općina Ilidža u prethodnih godinu i po uspjela je da uvede ozbiljne promjene kada je riječ o jačanju integriteta i transparentnosti u javnom sektoru. Za kratak period postali smo primjer istinskih promjena, kako najčešće prezentuju naši partneri. Realizirali smo niz mjera i aktivnosti s ciljem poboljšanja transparentnosti rada, usklađenosti poslovanja sa zakonskim odredbama i uspostavom efikasne javne uprave.

A zatekli smo deficit budžeta i nenaplaćena millionska potraživanja. Budžet nije izvršavan pravilno. Desetine zaposlenika je promovirano s mjesta namještenika, bez provođenja procedura, u državne službenike, neki čak i u šefove službi. Nije izvršena revizija poslovanja, uposlenici Općine godinama nisu ocijenjeni. Budžetski novac je dodijeljivan bez adekvatnih kriterija i javnih poziva. Pojedine općinske službe, a koje su dodjeljivale najveći dio sredstava, bile su privatizirane. Oni koji su davali prijedloge o tome koliko će ko dobiti novca, zapravo su bili i krajnji korisnici tih sredstava. Mi smo sada formirali zasebnu službu, a koja služi kao svojevrsni filter svih odluka. Ponosni smo i na saradnju koju Općina Ilidža ima s Uredom za borbu protiv korupcije i upravljanje kvalitetom Kantona Sarajevo. Ilidža je jedna od rijetkih općina koju je Erik Larson, savjetnik Uredu za borbu protiv korupcije i upravljanja kvalitetom KS, posebno pohvalio.“



ČISTA ZEMLJA

9. Zaštita okoliša – čista i zdrava zemlja

Narod i Pravda opredijeljena je za zaštitu okoliša putem sistemskih mjera zaštite voda i zraka, adekvatnim prostornim planiranjem, jačanjem nadležnih institucija, modernizacijom procesa upravljanja otpadom, suzbijanjem zagađivača u svim oblastima, adekvatnom regulacijom saobraćaja, edukacijom i drugim oblicima preventivnog djelovanja, kontrolom eksploatacije prirodnih bogatstava i balansom između njihove upotrebe i zaštite okoliša, s posebnim fokusom na obnovljive izvore energije.

Principi

- Sistemske mjere zaštite okoliša
- Adekvatno prostorno planiranje
- Jačanje nadležnih institucija
- Suzbijanje zagađivača
- Preventivno djelovanje
- Obnovljivi izvori energije



Preuzeto sa portala Klix.ba 16.05.2022. godine



Preuzeto sa portala Dnevniavaz.ba 13.11.2021. godine



Omer Hujdur, predsjednik Gradskog odbora Narod i Pravda Mostar:

„Gradska vlast u Mostaru ne čini ništa da popravi stanje na Uborku i pronade novu lokaciju za deponiju, jer postojeća je velika ekološka katastrofa koja svakog trenutka može eksplodirati. Mi već više od tri godine pokušavamo se ta deponija zatvori u razumnom roku i da se iznađe nova lokacija. Srazmjere ekološke katastrofe su ogromne. Studija je pokazala da su podzemne vode zagađene podzemnim metalima kao i zemljište u velikom obimu oko deponije. Otkako je imenovana nova gradska vlast u Mostaru, ona nije učinila ništa da se stanje popravi, utvrdi krivac za katastrofalno stanje već upiru prstom na aktiviste. Studija koja je urađena ima sljedeći zaključak: Deponija na ovoj lokaciji ne može garantovati sigurnost za ljude i biljni svijet. Međutim i pored toga Federalno ministarstvo okoliša je dalo dozvolu i mi smo ih zbog toga tužili.“

Pravci djelovanja i mjere:

1. Poboljšanje organizacione strukture i kadrovskih kapaciteta institucija zaštite okoliša i prirode, te jačanje kapaciteta inspekcije zaštite okoliša, povećanje broja inspektora i nabavka adekvatne opreme
2. Provođenje adekvatnih mjera zaštite, spašavanja i upravljanja otpadom (integralni sistem upravljanja) na osnovama cirkularne ekonomije, u kojoj se otpad tretira kao ulazna sirovina za stvaranje nove vrijednosti
3. Unapređivanje stanja okoliša u kontekstu očuvanja rijeka i vodnih bogatstava kroz procedure i mehanizme za adekvatno upravljanje odvodom otpadnih voda te uklanjanje divljih deponija
4. Adekvatno prostorno planiranje i odgovorno upravljanje prostorom i infrastrukturnim resursima
5. Intenzivan rad na programima podizanja energetske efikasnosti, između ostalih kroz podršku implementaciji projekata toplifikacije stambenih objekata
6. Podrška nabavci vozila na električni pogon u javnom i organiziranom saobraćaju
7. Zagovaranje uspostave etapnog programa za praćenje okoliša, uz povećanje broja prikladno opremljenih laboratorija, obučenog osoblja i sredstava za praćenje
8. Kreiranje i donošenje seta okolinskih pokazatelja u skladu s međunarodnim metodologijama, kao ključnog alata za praćenje napretka stanja okoliša, pružanje podrške procjeni institucija i pripremi izvještaja, kao i za informiranje javnosti
9. Iniciranje uspostave i kapacitiranja koordinacijskog mehanizma za zaštitu okoliša na državnom nivou s jasnim



Preuzeto sa portala Avaz.ba 5.12.2019.godine

Potpisani ugovori sa izvođačima radova: Počinje utopljanje 56 individualnih stambenih objekata

lamija.bojadzic 21.04.2021

U okviru projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“, danas je obavljeno potpisivanje okvirnih sporazuma za izvođenje građevinsko - zanatskih radova na utopljanju objekata, s ciljem veće uštede energije i smanjenja zagađenja zraka u našem kantonu.

Potpisivanju su prisustvovali ministar komunalne privrede, infrastrukture, prostornog uređenja, građenja i zaštite okoliša KS Enver Hadžiahmetović, direktorica Kantonalnog stambenog fonda Sarajevo Belma Barlov u ime implementatora projekta i predstavnici građevinskih firmi koje su odabrane, nakon okončanog postupka javnih nabavki, za izvođenje radova na individualnim objektima u četiri općine: Novo Sarajevo, Vogošća, Ilidža i Hadžići.

Radovi će se izvoditi na ukupno 56 individualnih stambenih jedinica.

Preuzeto sa stranice Vlade Kantona Sarajevo

ovlaštenjima

10. Podrška projektima i programima obrazovanja o okolišu (plansko, formalno i neformalno) na različitim nivoima i u različitim sektorima
11. Vršenje kontinuirane formalne edukacije i produciranje novih kadrova, s obzirom na veliki nedostatak okolišno educiranih kadrova u BiH, što uključuje uvođenje i provođenje obrazovanja o okolišu i održivom razvoju kroz nastavne programe škola i fakulteta
12. Podsticanje razvoja zajedničkih okolišnih projekata različitih sektora (privreda, naučne ustanove, upravna tijela, udruženja i sl.)
13. Opredjeljenje za izgradnju obnovljivih izvora energije, a ne za megalomanske energetske projekte koji nisu u skladu s EU standardima i koji prijete dodatnom zagađenju okoliša
14. Kontrolirana eksploatacija prirodnih bogatstava Bosne i Hercegovine i uspostavljanje balansa između njihovog stavljanja u funkciju razvoja i zaštite okoliša



Tri godine borbe za zatvaranje deponije u Mostaru

10. juni/lipanj, 2022.



Omer Hujdur, predsjednik Udruženja građana "Jer nas se tiče" na protestima ispred deponije Uborak 10. Juna 2022.

Tridesetak mještana okupilo se u petak, 10. juna ispred ulaza u deponiju Uborak pored Mostara, na jugu Bosne i Hercegovine (BiH), da obilježe tri godine od prve blokade deponije, za koju kažu da uništava zdravlje ljudi i prirode na području Mostara i sliva rijeke Neretve.

Preuzeto sa portala Slobodnaeuropa.ba 10.06.2022. godine



Preuzeto sa portala Klix.ba 25.05.2021. godine

NAŠI PUTEVI

10. Saobraćaj, transport i komunikacije – brža i sigurnija BiH

Strateško opredjeljenje Naroda i Pravde je identificirati prioritetne projekte koji nude najbolji omjer uloženog i dobijenog za društvo i privreda i sve napore fokusirati na njihovu što bržu implementaciju, a s obzirom na ograničene budžetske, zakonske i kadrovske kapacitete različitih nivoa vlasti da iznesu obimne ili brojne infrastrukturne projekte. Optimizacijom broja projekata koji su u toku osigurat će se potpun finansijski okvir, pravovremene eksproprijacije bez stanki u provođenju i odgovarajući građevinski resursi, a građani i privreda će rezultate vidjeti u prihvatljivom roku. Odgovarajućim planiranjem, budžetiranjem i kadrovskim kapacitiranjem, moguće je podići nivo održavanja infrastrukture na viši nivo, a samim tim i rješavanje određenih nedostataka već postojeće infrastrukture i smanjivanje hitnosti novih projekata.

Principi

- Strateško planiranje putne infrastrukture
- Prioretizacija ključnih projekata
- Razvoj sistema održavanja
- Olakšavanja investiranja u putnu infrastrukturu
- Modernizacija usluga željeznica
- Jačanje telekomunikacijske infrastrukture

Završeni infrastrukturni projekti na teritoriji Grada Srebrenika

U narednom periodu obogaćivanje novim sadržajima

BY MOJINFO.BA — 19/04/2022

Reading Time: 1 min



Fotografije: Nihad Omerović, gradonačelnik Srebrenika.

Završeni infrastrukturni projekti na teritoriji Grada Srebrenika

Preuzeto sa portala Mojinfo.ba 19.04.2022. godine

Pravci djelovanja i mjere:

1. Unaprjeđenje ključne arterijalne magistralne infrastrukture, prioritetizirajući saobraćajno opterećene pravce (poput Sarajevo - Tuzla i Lašva – Travnik), kroz optimizaciju trasa, gradnju preticajnih traka, deniveliranje raskrsnica, gradnju zaobilaznica i ograničenje individualnih pristupa na magistralne ceste
2. Efikasnija kontrola primjene saobraćajnih propisa, te prinudna naplata i primjena kaznenih odredbi ponovljenim i posebno agresivnim prijestupnicima u saobraćaju
3. Umanjivanje proceduralnih barijera koje otežavaju samofinansiranje projekata kada se nadležnosti preklapaju između različitih nivoa vlasti
4. Zalaganje za što skoriji dovršetak gradnje nedostajućih segmenata Koridora 5C
5. Racionalizacija operativnog poslovanja JP Autoceste FBiH u oblasti naplate, kroz stimulativne mjere za širu i pogodniju upotrebu ACC tagova, te adekvatno kapacitiranje službi za održavanje i nadzor ceste i cestovnog pojasa
6. Kreiranje odgovarajućeg pravnog okvira s ciljem poticanja kantonalnih i lokalnih zajednica da kandidiraju spremne saobraćajne projekte, omogućavanje transparentnog (su)finansiranja prijavljenih projekata, te umanjivanje proceduralnih barijera koje otežavaju samofinansiranje projekata od federalnog interesa koje žele implementirati niži nivoi vlasti
7. Adekvatno povezivanje sarajevskog, tuzlanskog i mostarskog aerodroma sa strateškom putnom infrastrukturom, kako bi se ubrzao transport putnika i robe
8. Ubrzavanje implementacije infrastrukturnih projekata koji imaju za rezultat povećanje sigurnosti i brzine željezničkog saobraćaja, u prvom redu kroz izgradnju sigurnih pružnih prijelaza, te adekvatno održavanje pružnih pojaseva
9. Zalaganje za uspostavljanje sarajevske regionalne željezničke mreže, s linijama koje uvezuju područje od Konjica do Zenice, koje su odgovarajuće kapacitirane brojem vozila za prigradski prijevoz, uvezane s individualnim sistemima gradskih prijevoza, s ciljem mobilnosti svakodnevnih putnika unutar regije
10. Zagovaranje ponovne uspostave rentabilnog međunarodnog željezničkog saobraćaja, kroz rješavanje otvorenih pitanja sa Republikom Hrvatskom
11. Podrška modernizaciji poslovanja Željeznica FBiH, nova sistematizacija i jačanje kadrovskih kapaciteta preduzeća
12. Poticanje upotrebe željezničkih transportnih kapaciteta od strane privrednih subjekata, kako bi se smanjio cestovni



Preuzeto sa portala Klix.ba 24.08.2021. godine

- prijevoz i rasteretili magistralni pravci
13. Racionalno i odgovorno javno upravljanje aerodromima i bosanskohercegovačkim zračnim prostorom, uz nastojanje da se kroz vlastita sredstva i međunarodnu saradnju obezbijediti finansiranje unaprjeđenja aerodromske i prateće infrastrukture
 14. Prioretizacija infrastrukturnih projekata, kojima će se aerodrome adekvatno priključiti na kapitalnu saobraćajnu infrastrukturu i efektivno uključiti u mrežu javnog saobraćaja
 15. Poboljšanjem infrastrukture i koordiniranim naporima turističkih zajednica, resornih ministarstava i aerodromskih uprava, nastojat ćemo proširiti mrežu direktnih letova i obezbijediti što veći broj pogodnih konekcija kroz spojne aerodrome ka što većem broju međunarodnih destinacija
 16. Širenje kapaciteta i poboljšanje cestovne povezanosti međunarodne luke u Brčkom i pratećeg carinskog terminala, s ciljem njene veće iskorištenosti, od koje posebne pogodnosti može imati prostor sjeveroistočne BiH
 17. Trajno rješavanje pravnog statusa Naftnih terminala Federacije BiH u Luci Ploče i investiranje u njihov razvoj i stratešku upotrebu
 18. Nećemo inicirati niti podržati privatizaciju ključne telekomunikacijske infrastrukture koja je u državnom vlasništvu

Nihad Omerović, Gradonačelnik Srebrenika i potpredsjednik Naroda i Pravde:

„Inicijativu za izmjenu trase autoputa Tuzla – Brčko uputili smo zajedno, gradske vlasti Srebrenika i Gradačca, na zahtjev privrednika, koji smatraju da predviđena trasa neće služiti svrsi, odnosno neće povezati privredno bogate krajeve sa Evropom i regijom. Podržavamo cestogradnju i pozdravljamo veliki projekat izgradnje autoputa Tuzla – Brčko, ali smo opredijeljeni za strateška rješenja u oblasti cestogradnje, koja će donijeti dugoročnu korist društvu i državi.“





Sporni dio autoputa Tuzla - Brčko / Gradnja bi mogla biti prolongirana za najmanje pola godina - Srebrenik i Gradačac žele lakši pristup trasi

BH 1 08/03/2022 u 19:20 h

Privrednici i gradske vlasti ne žele udaljavanje trase od Srebrenika i Gradačca, pa je nužna izmjena Prostornog plana Tuzlanskog kantona

Preuzeto sa portala Oslobođenje.ba 08.03.2022. godine

19. Limitiranje povlačenja dobiti iz preduzeća u javnom vlasništvu u ovoj oblasti, s ciljem podrške investicionim i razvojnim projektima, kao i projektima i mjerama kojima se zadržava stabilan tržišni položaj ili širenje i unaprjeđenje poslovanja
20. Rad na poboljšanju telekomunikacijske infrastrukture, te širenja pristupačnosti stabilnog pristupa internetu što većem broju bh. građana bez obzira na lokaciju

Počeo saobraćati voz iz Pazarića za Sarajevo



Voz iz Pazarića za Željezničku stanicu u Sarajevu počeo je saobraćati. Vožnja traje 33 minute, a putnici ističu da će im uvođenje ove linije olakšati svakodnevicu.

Preuzeto sa portala BHRT.ba 09.08.2021. godine

PREVENCIJA I MODERNIZACIJA

11. Bolje zdravstvo – pravo na liječenje svakog čovjeka

Narod i Pravda opredijeljena je za preventivno djelovanje na usporavanju rasta zdravstvene potrošnje kroz kreiranje i implementaciju programa preventivnog djelovanja i ranog otkrivanja vodećih oboljenja, poboljšanje sistema finansiranja, racionalizacija i optimizacija zdravstvene administracije, a kapacitiranje i povećanje broja stručnog medicinskog kadra s poduzimanjem mjera zaustavljanja odlaska kadrova van zemlje. Zatim, u fokus nam je povećanje kvaliteta i broja zdravstvenih usluga, osiguravanje većih smještajnih kapaciteta i značajnija izgradanja zdravstvene infrastrukture, omogućavanje zdravstvenog osiguranja za sve i ujednačavanje pristupa zdravstvenoj zaštiti na cijelom teritoriju BiH. Želimo jasno definiranje „puta pacijenta“, vraćanje povjerenja stanovništva u zdravstveni sektor i temeljito suzbijanje korupcije u zdravstvu, finansijsku konsolidaciju zdravstvenih ustanova i pokretanje odgovornosti za lica koja su

Principi

- Prevencija i rano otkrivanje bolesti
- Bolji sistem finansiranja zdravstva
- Optimizacija potrošnje
- Investicije u kvalitet zdravstvenih usluga
- Ujednačen pristup zdravstvenoj usluzi u cijeloj BiH
- Antikorupcija u zdravstvu
- Bolji položaj zdravstvenih radnika
- Informatizacija sistema

nezakonitim postupcima pravila gubitke i dovele zdravstvene ustanove u nezavidan dužnički položaj. Cilj nam je unapređenje statusa zdravstvenih radnika, te kontinuirano djelovanje na modernizaciji i informatizaciji sistema.

Pravci djelovanja i mjere:

1. Unapređenje sistema finansiranja zdravstva, jačanje aktivnosti na povećanju izvora prihoda (nova zapošljavanja), racionaliziranje rashoda s posebnim fokusom na analizu i reviziju sistematizacije u administrativnom aparatu zdravstva, povećanje transparentnosti trošenja sredstava, te uvođenje DRG (*diagnostic related groups*) sistema plaćanja zdravstvenih usluga, koje daje bolje mogućnosti šifriranja usluga, a time i precizniju naplatu, što vodi boljem praćenju efektivnosti bolnica i boljem vrednovanju rada bolničkog sektora u cjelini
2. Povećanje investicija u zdravstvu u kontekstu razvoja infrastrukture, obnove postojećih i izgradnje novih kapaciteta, modernizacije medicinske opreme, povećanja broja kreveta, uvjeta za educiranje kadra, te posljedično povećanja broja zdravstvenih usluga
3. Kreiranje i implementacija dugoročne strategije razvoja kadrova te strategije razvoja obrazovnih kapaciteta za sve ključne profile u zdravstvu, kako medicinskog osoblja tako i pratećeg nemedicinskog kadra te donošenje strateških mjera s ciljem usporavanja i zaustavljanja odlaska kadrova van zemlje
4. Uspostava jasno definiranog sistema primarnog, sekundarnog i tercijarnog nivoa zdravstvene zaštite i puta upućivanja između pojedinih nivoa
5. Uklanjanje slabosti u poslovanju sekundarne i tercijarne zdravstvene zaštite koje su posljedica nedostatka odgovarajućih upravljačkih i rukovodnih sposobnosti u zdravstvenim ustanovama, te jačanje upravljačkih struktura s kadrovima koji nose adekvatna znanja i iskustva potrebna za strateško upravljanje, finansijsko planiranje i druge aktivnosti nužne za rukovođenje bolnicama
6. Redefiniranje i osiguravanje osnovnog paketa

Skupština KS nije usvojila izvještaj o radu KCUS-a



Foto: Vijesti.ba

Zastupnici Skupštine Kantona Sarajevo nakon cjelodnevne rasprave nisu usvojili izvještaj o radu Kliničkog centra Univerziteta u Sarajevu za 2017. godinu. Izvještaj o radu Opće bolnice "Prim. dr. Abdulah Nakaš" za 2017. godinu je usvojen.

Zastupnici Skupštine Kantona Sarajevo razmatraju izvještaj o poslovanju za 2017. godinu 14 zdravstvenih institucija KS, te su konstatalirali da treba više ulagati u zdravstvo, da je primarni zadatak zdravstva zadovoljni pacijenti i dobit građana, a ne profit.

Preuzeto sa portala Vijesti.ba 25.01.2019. godine

ODLUKA SKUPŠTINE KS

Mladim ljekarima u KS bit će omogućeno prvo radno iskustvo i uslovi za specijalizaciju

5. 5. U.

Foto: Shutterstock

30.05.2022.

Na današnjoj sjednici Skupštine Kantona Sarajevo, donešen je zaključak kojim će se omogućiti mladim doktorima priliku za stjecanje radnog iskustva.

Preuzeto sa portala Klix.ba 30.05.2022. godine

zdravstvenih prava iz obaveznog zdravstvenog osiguranja koji će, pod jednakim uvjetima, biti dostupan svim osiguranicima bez diskriminacije po bilo kojem osnovu, te precizno definiranje iznosa ličnog učešća osiguranika u troškovima zdravstvene zaštite i usluge za koje se plaća participacija

7. Podsticanje većeg učešća privatnih osiguravajućih društava u financiranju troškova zdravstva, s dugoročnim ciljem smanjenja stopa doprinosa za obvezno zdravstveno osiguranje
8. Jačanje integriteta u zdravstvu i odlučniji i energičniji pristup u borbi protiv korupcije na institucionalan i sistemski način, ne samo kroz formalno donošenje strategije za borbu protiv korupcije i planova integriteta već kroz dosljedne primjene najboljih domaćih i međunarodnih praksi
9. Pokretanje procesa donošenja regulative o finansijskoj konsolidaciji zdravstvenih ustanova na svim nivoima i pokretanje procesa utvrđivanja odgovornosti lica koja su zdravstvene ustanove dovele u dužničku krizu nezakonitim postupcima
10. Kreiranje jedinstvenog, javno dostupnog registra zdravstvenih radnika na teritoriji FBiH, BD BiH i RS-a
11. Unapređenju statusa zdravstvenih radnika kroz kolektivne ugovore i definiranje plate zdravstvenih radnika, vodeći računa o ocjeni kvalitete i broju pruženih usluga, zavisno od nivoa zdravstvene zaštite
12. Sistemska podrška programima preventivnog djelovanja i ranog otkrivanja vodećih oboljenja
13. Izrada strategije i načina palijativne njege i liječenja teško oboljelih lica
14. Podrška nastavku programa i kontinuirani proces informatizacije u zdravstvu



Dr. Goran Akšamija, predsjednik Savjeta za zdravstvo Naroda i Pravde i zastupnik u PD Parlamenta Federacije BiH:

„Podržavamo sve mjere finansijske konsolidacije zdravstvenih ustanova FBiH, uz uvjet da se ista provodi na pravedan, transparentan i nediskriminirajući način. Godinama smo čekali na donošenje Zakona o finansijskoj konsolidaciji i restrukturiranju zdravstvenih ustanova u FBiH, kojim bi se riješilo prethodno pitanje. Trenutna vladajuća koalicija forsira i trguje raspodjelom sredstava koja ide u prilog pojedinih kantona koji su ostvarivali velike gubitke u svojoj djelatnosti, bez pokušaja pronalaženja adekvatnog rješenja. Pokušava se prikriti nepravedna raspodjela i favoriziranja određenih zdravstvenih ustanova od strane Vlade Federacije BiH, sa ciljem političke kontrole pripadajuće raspodjele ovih ustanova. Ustanovama koje nisu pod njihovom kontrolom uskratili su sredstva, poput Opće bolnice „Prim. dr. Abdulah Nakaš“, ne misleći na pacijente u Kantonu Sarajevo i ljudske živote.“



Vlada Kantona Sarajevo



Uspostavljanje bržeg i efikasnijeg sistema liječenja za boračku populaciju

mediha.zugic 21.04.2022

Vlada Kantona Sarajevo prihvatila je danas inicijativu Ministarstva za boračka pitanja KS da se omogući novi pristup u ostvarivanju zdravstvene zaštite pripadnicima boračke populacije Kantona Sarajevo.

"Sa Ministarstvom zdravstva KS, Zavodom zdravstvenog osiguranja KS i JU Opća bolnica 'Prim.dr. Abdulah Nakaš' pokrenut ćemo aktivnosti radi uspostavljanja bržeg i efikasnijeg sistema liječenja pripadnika boračke populacije. Zajedno ćemo razmotriti najbolje mogućnosti, među kojima i formiranje veteranske ambulante ili veteranskog odjela pri Općoj bolnici. Namjera je i uspostavljanje centralizovane evidencije iz koje će se moći neposredno pratiti potrebe za zdravstvenim uslugama, stanje i liječenje ove specifične i posebno zaslužne kategorije pacijenata", najavio je, između ostalog, resorni ministar Omer Osmanović.

Preuzeto sa stranice Ministarstva za boračka pitanja KS

NOVA RADNA MJESTA

187

Vlada Kantona Sarajevo odobrila zapošljavanje 29 ljekara u domove zdravlja

V. K.

10



Foto: I. Š./Klix.ba

19.05.2022.



Vlada Kantona Sarajevo dala je danas saglasnost Javnoj ustanovi Dom zdravlja KS za zapošljavanje 29 ljekara i to 27 doktora medicine i dvojicu specijalista interne medicine.

Preuzeto sa portala Klix.ba 19.05.2022. godine

BRIGA O LJUDIMA

12. Socijalna politika – pomoć u cilju rasta i razvoja

Narod i Pravda zalaže se za progresivnu socijalnu politiku s ciljem stvaranja pravednijeg društva – društva socijalne sigurnosti i socijalnog uključivanja, jednakih uslova i visokog nivoa društvene solidarnosti. Naš program predstavlja sveobuhvatnu državnu intervenciju čiji je cilj osigurati održive uvjete za normalan rast i razvoj društvenih potencijala. Cijenimo da je osnov svakog društva zdrava porodica. Stoga, posebnu pažnju posvećujemo institucionalnoj zaštiti i promociji porodice, te natalitetnoj politici, kao garantu nacionalnog opstanka i razvoja društva i države.



Preuzeto sa portala Klix.ba 11.02.2022. godine



Preuzeto sa stranice NarodiPravda.ba

Principi

- Transparentnost
- Osiguravanje jednakosti
- Održivost sistema
- Inkluzija osoba sa invaliditetom
- Zaštita porodice
- Pronatalitetna politika

Pravci djelovanja i mjere:

1. Uspostavljanje sistema kontrole utroška i raspodjele sredstava socijalne zaštite
2. Kreiranje jedinstvene baze korisnika sredstava i usluga iz oblasti socijalne zaštite
3. Izjednačavanje prava svih kategorija osoba s invaliditetom
4. Smanjenje stope apsolutnog siromaštva i usvajanje zakona o socijalnom minimumu
5. Povećavanje minimalne plate kroz sistem koji neće opteretiti i ugroziti privredu
6. Rehabilitacija osoba s invaliditetom
7. Podrška projektima socijalnog preduzetništva i samozapošljavanja, te širenje tržišta rada
8. Uklanjanje arhitektonskih barijera i omogućavanje pristupa uslugama svih javnih institucija
9. Razvoj državnog stambenog fonda i kapaciteta socijalnog stanovanja
10. Subvencioniranje i regresiranje kamatne stope za rješavanje stambenog pitanja ugroženih kategorija
11. Osiguravanje opreme i osnovnih potreba za svako novorođeno dijete
12. Izjednačavanje prava zaposlenih i nezaposlenih majki porodilja i osiguravanje mjesečne naknade u iznosu prosječne plate u Federaciji BiH i RS za period 12 mjeseci
13. Standardizacija rada i kapacitiranje javnih predškolskih ustanova za rad u dvije smjene
14. Postepeno osiguravanje produženog boravka za djecu u svim osnovnim školama



Ministrica za rad, socijalnu politiku, raseljene osobe i izbjeglice Kantona Sarajevo Ivana Prvulović ispred Naroda i Pravde:

„Bosna i Hercegovina bilježi negativne demografske trendove. Ni Kanton Sarajevo nije pošteđen iseljavanja stanovništva i negativnog prirodnog priraštaja. To za posledicu ima, između ostalog, nedostatak radne snage i kontinuirano povećanje broja penzionera usljed starenja stanovništva, za čije penzije samo u Federaciji BiH godišnje treba skoro 2,5 milijarde KM. Zato reagujemo na ove pokazatelje i smatramo da je neminovno povećanje porodiljskih naknada. Po 1.000 KM mjesečno sada dobijaju i zaposlene i nezaposlene porodilje u periodu 12 mjeseci, bez obzira da li riječ o prvorođenom, drugorođenom ili trećerođenom djetetu – dakle nezavisno od broja djece. Iznos naknada će rasti s povećanjem prosječne plate u Federaciji BiH.“

DENIS ZVIZDIĆ

DRUGI ZAMJENIK PREDSEDNIKA
NARODA I PRAVDE

Strateška opredijeljenost Bosne i Hercegovine ka euroatlantskim integracijama

Zvanični bosanskohercegovački unutarpolitički i geopolitički, odnosno vanjskopolitički interesi su jasno definirani u Ustavu, važećim zakonima i strategijama Bosne i Hercegovine, a to su: očuvanje teritorijalnog integriteta, suvereniteta, političke neovisnosti i međunarodnog subjektiviteta, te strateška i institucionalna opredijeljenost i konzistentnost ka realizaciji dva ključna i precizno definirana vanjskopolitička cilja: punopravnog članstva u EU i NATO.

Geostrategijski položaj Bosne i Hercegovine je izuzetno značajan, i po svojim geografskim, komunikacijskim, ekonomskim i demografskim karakteristikama predstavlja bitan faktor stabilnosti, sigurnosti i razvoja zapadnog Balkana i šireg prostora jugoistočne Evrope.

BiH je mjesto spajanja tri velike geostrateškeregije: srednje-eurovske, mediteranske i podunavske, te predstavlja prostor koji zbog svoje povezanosti sa velikim brojem država preko Jadranskog mora, Save i Dunava i panevropskog koridora Vc ima važnu stratešku prednost kao poveznica regiona Jadranskog i Baltičkog mora, srednje i južne Evrope, odnosno zapada i istoka sve do Crnog mora i Srednjeg, pa čak i Bliskog Istoka.

Ovakav položaj Bosne i Hercegovine, kao i strateška orijentiranost ka integraciji u porodicu savremenih, razvijenih i demokratskih država, je presudno utjecao na opredijeljenje Bosne i Hercegovine za uključivanje u euroatlantske, kao i regionalne i



svjetske organizacije, kao što su npr.: OUN, OSCE, WTO, VE itd.

Ipak, punopravno članstvo BiH u NATO i EU je strateško i najvažnije vanjsko-političko opredijeljenje BiH.

Evropska unija je jedan od najuspješnijih integracijskih projekata u historiji. Na teritoriji zemalja članica EU više od 70 godina nije bilo rata. Sve zemlje članice EU odmah nakon članstva ostvarile su ogroman naučni, tehnološki, ekonomski, socijalni, kulturni i ukupni društveni progres. Članstvo BiH u EU bi značilo da je Bosna i Hercegovina de jure dio zapadne civilizacije i da dijeli vrijednosti na kojima počiva EU, a to su liberalna demokratija, sloboda, solidarnost, jednakost, vladavina prava i poštovanje ljudskih prava, bez bilo kakvih razlika na osnovu nacije, vjere, spola i slično. S obzirom da je Bosna i Hercegovina postkonfliktno društvo, prihvatanje zajedničkih EU vrijednosti i identiteta pomoglo bi da se stave po strani etničke i nacionalne podjele sa kojima se suočava BiH.

Niz je prednosti koje ostvaruju države koje žele postati članice EU, kako u procesu pristupanja, tako - i posebno poslije prijema u punopravno članstvo u EU.

Neke od najvećih benefita zemlje koje postanu članice EU ostvaruju na ekonomskom planu. Članstvo u EU znači učešće u zajedničkom tržištu, uspostavljanje carinske unije, postupno ukidanje granične kontrole, što direktno ubrzava i pojeftinjuje protok ljudi i roba. Takođe, članstvo u EU donosi i dodatnu prednost u pogledu izvoza u treće zemlje, jer EU sa tim zemljama ima povoljne ekonomske sporazume. Slobodan protok ljudi, kapitala, roba i usluga koji nudi EU je od neprocjenjive vrijednosti za sve zemlje koje postanu njene članice.

Pristup EU fondovima je izuzetno važan instrument za izgradnju demokratskog i legislativnog ambijenta kao i društvene i fizičke infrastrukture u cilju razvoja demokratskog društva i održive ekonomije – zemlje članice EU, ali i one koje imaju aspiraciju da to postanu mogu koristiti različite

pristupne i predpristupne fondove kojima se financiraju projekti usmjereni na razvoj demokratskog društva i institucionalnu pripremljenost za prihvatanje i implementaciju pravne prakse EU, kao i projekti iz oblasti saobraćajne i energetske infrastrukture, poljoprivrede i ruralnog razvoja, zaštite okoliša, te nauke i tehnologije. Između 2007. i 2013. godine Bosna i Hercegovina je dobila 615 miliona EUR-a u okviru IPA I programa, dok je u period od 2014. do 2020. godine, u okviru IPA II programa, BiH dobila više od 165 miliona EUR-a.

Vladavina prava i pravna sigurnost je po važnosti za države koje se još uvijek nalaze u procesu tranzicije, možda i najvažniji i ključni benefit za demokratsko upravljanje i izgradnju društva znanja i evropskih vrijednosti. To, u okviru reformi koje se moraju sprovesti na putu ka EU, znači jačanje demokratskih institucija, vladavinu zakona, reformu javne uprave i podrška razvoju civilnog društva. Prevedeno na polje prakse, to znači nezavisnost pravosuđa i policijskih struktura i efikasnu borbu protiv korupcije, kako bi se postigao neophodni nivo povjerenja u državne institucije i osigurao visok stepen pravde i jednakopravnosti građana na kojem počiva EU.

U periodu od 2015.-2019. BiH je napravila mjerljiv progres na putu EU integracija, i u ovome trenutku je u fazi kada se, poslije realizacije dijela prioriteta iz Mišljenja EU za BiH, očekuje dobivanje kandidatskog statusa čime bi bilo otvoreno novo poglavlje na putu BiH prema članstvu u EU.

NATO integracije, kao jedan od

dva najvažnija vanjskopolitička prioriteta BiH, predstavljaju sinonim za sigurnost, stabilnost, demokratski razvoj, nove investicije i ukupan politički, sigurnosni, društveni i ekonomski prosperitet. Sigurnosni aspekt, posebno čl. 5. Sjevernoatlantskog ugovora – kolektivna odbrana, je u slučaju Bosne i Hercegovine od krucijalnog značaja, jer su velikodržavni projekti i teritorijalne aspiracije prema BiH još uvijek aktuelni u političkim i strateškim ciljevima pojedinih zemalja u regionu Zapadnog Balkana.

Punopravno članstvo u NATO Savezu, kojem teži Bosna i Hercegovina, ima niz sigurnosnih, odbrambenih, političkih i ekonomskih benefita.

Za Oružane snage BiH članstvo u NATO-u bi bilo od velikog značaja jer bi kontinuirano usklađivali i modernizirali našu opremu u skladu sa NATO standardima, uz istovremeni pristup svim bazama podataka i know-how koji posjeduju NATO zemlje. Također, mogli bi po olakšanim i ubrzanim procedurama dobijati NATO pomoć u različitim situacijama i izazovima, kao što su

npr. požari, poplave i slično.

Punopravno članstvo u NATO paktu bi automatski značilo i povećanje investicija i veći životni standard građana, jer će potencijalni investitori uvijek izabrati zemlje koje imaju dugoročni mir, sigurnost i stabilnost.

Slično kao i u slučaju EU, NATO u svojim dokumentima zagovara principe liberalne demokratije, vladavine prava i ljudskih prava. NATO ove principe štiti kako u svojim državama članicama, tako i u cijelom svijetu, što je važno za principe multilateralizma i globalizma.

Najkraće rečeno, članstvo u NATO paktu znači da ste dio zapadne civilizacije, da ste na strani demokratije, a ne autokratije i da dijelite takve vrijednosti sa drugim zemljama članicama.

U ovome trenutku, Bosna i Hercegovina je u MAP-u i aktivno implementira programske aktivnosti kako bi ispunila uvjete za poziv u punopravno članstvo.



NAROD I PRAVDA

1. KONGRES NARODA I PRAVDE

NAROD

1. KONGRES



Izdvojeno

**I Kongres Naroda i Pravde održan
u novembru 2021. godine**

Na slici su Elmedin Konaković - Predsjednik
Naroda i Pravde i Aljoša Čampara - Ministar
unutrašnjih poslova FBiH

NAŠI PRIORITETI

13. Odbrana, sigurnost i zaštita – sigurna zemlja

Narod i Pravda smatra segment odbrane i sigurnosti Bosne i Hercegovine temeljnim strateškim prioritetom. Ekonomski i društveni razvoj mogu biti postignuti samo u društvu u kojem se njegovi građani osjećaju zaštićenim i sigurnim. S obzirom na našu tešku i bolnu historiju, ovaj segment dodatno dobija na značaju. Osnov politike Naroda i Pravde jeste pridruživanje Bosne i Hercegovine i naših oružanih snaga u NATO savez, širenje i modernizacija odbrambenih kapaciteta, uključivanje domaće namjenske industrije u servisiranje potreba Oružanih snaga BiH i ministarstava unutrašnjih poslova, kao i osposobljavanje službi civilne zaštite i dobrovoljaca-civila za djelovanje u vanrednim situacijama. Pored toga, držimo da je značajnu pažnju potrebno uložiti u jačanje kapaciteta nadzora i osiguranja državnih granica Bosne i Hercegovine, kao i obavještajne kapacitete, uključujući informatičku sigurnost, s ciljem suzbijanja trgovine ljudima, prometa zabranjenih supstanci i terorističkih aktivnosti.

Principi

- Put u NATO savez je prioritet
- Modernizacija odbrambenih kapaciteta
- Razvoj domaće namjenske industrije
- Jačanje službi civilne zaštite
- Nadzor nad državnim granicama
- Informatička sigurnost



Preuzeto sa stranice NarodiPravda.ba



Preuzeto sa portala Raport.ba 20.10.2021. godine

Pravci djelovanja i mjere:

1. Kontinuirano unapređivanje saradnje s NATO snagama, pripremanje i istrajavanje na putu prema NATO savezu
2. Depolitizaciju oružanih i policijskih snaga i njihovo kontinuirano kapacitiranje, kako bi bile sposobne da profesionalno vrše zakonom predviđene poslove zaštite građana, zaštite poretka, državne cjelovitosti i samostalnosti
3. Zalaganje za povećanje budžeta Oružanim snagama BiH u skladu sa NATO smjernicama, kao i budžeta Državne granične službe
4. Modernizacija i širenje kapaciteta tehničkih sredstava kojima raspolažu Oružane snage BiH, u skladu s važećim sporazumima i aktuelnim iskustvima oružanih snaga u modernom ratovanju
5. Kadrovsko širenje i jačanje Oružanih snaga BiH, Državne granične službe i ministarstava unutrašnjih poslova
6. Modernizaciju i razvoj domaće namjenske industrije, kako zbog njene potentnosti na međunarodnom tržištu, tako i kao svojevrsnu garanciju za očuvanje mira i stabilnosti u zemlji
7. Uvezivanje namjenske industrije u Bosni i Hercegovini sa Oružanim snagama BiH i ministarstvima unutrašnjih poslova za potrebe servisiranja i nabave novih tehničkih sredstava
8. Modernizacija i širenje kapaciteta tehničkih sredstava kojima raspolažu strukture Civilne zaštite i ministarstva unutrašnjih poslova, posebno nabava sredstava za efikasno gašenje požara, potragu i spašavanje u brdskim područjima i poplavama, istrage i zaštitu građana
9. Razmatranje uvođenja plaćene, dobrovoljne, vremenski ograničene civilne službe kroz koju će se civili-



Preuzeto sa portala Klix.ba 16.08.2021. godine



Preuzeto sa portala Radiosarajevo.ba 01.03.2022. godine

dobrovoljci moći obučiti u tehnikama prve pomoći, zaštite i spašavanja, rukovanja tehničkim sredstvima i organizacije ljudstva i potom biti uvršteni u strukture pomoćnih sastava Civilne zaštite koji se mogu aktivirati u vanrednim situacijama

10. Razvoj i kapacitiranje sistema informatičke sigurnosti
11. Prevenciju i borbu protiv svih oblika radikalizma i ekstremizma, na institucionalan način i uz vođenje računa o zaštiti ljudskih prava i suzbijanja svih vrsta zloupotreba, manipulacija i revanšizama
12. Beskompromisnu borbu protiv svih oblika terorizma, uz međunarodnu saradnju u ovoj oblasti, s ciljem preveniranja svih sigurnosnih opasnosti iz zemlje i inostranstva i osiguravanja stabilnosti i mira



Kemal Ademović, Prvi zamjenik predsjednika Naroda i Pravde:

„Važnost snažne države i zdravih institucija najbolje se pokazuje u vremenima kriza, kada ona treba zaštititi svoje građane, u svakom smislu. Godinama upozoravam da zloupotreba institucija za stranačke interese, korupcija i postavljanje loših kadrova navažne funkcije ruše institucije. Žalosno je da politika državni aparat koristi za sve i svašta, često i za obračun sa neistomišljnicima režima, kritičarima i opozicijom, a tamo gdje je on najpotrebniji, za očuvanje ove države i njenog ustavnog poretka, za zaštitu naroda, taj aparat ne vidimo. Uslovljeni ljudi, zavisni od politike i različitih privatnih centara moći, opterećeni aferama i procesima, ne mogu se posvetiti državi. To je rezultat svake politike kojoj stranka bude važnija od države.“



Bosna da nam opstane!

Bez straha, bez suze
sa vjerom da može
Po trnju i vatri
jer naše su kože

Za zemlju bez mržnje
gdje caruje pravda
Za kamen što stoji
uspravno vazda

Bosanske, na sve navikle
Čelikom su se kalile

Za naciju našu bosansku
Za zemljicu krvlju branjenu

Po kiši, oluji
od njih nada je jača
Protiv zul'ma i laži
jer slabost se plaća

Za čovjeka što je
ostavio svoje
zbog grkog komada hljeba
zar tako moralo je

Slobodom ... mi robovat' nećemo
Sad se kunemo, robovati nećemo

Njegovo kandžama je uzeto
Oteto, neka im je prokleta

Ref.

Bori se, izbori se
za djecu, za majke
za ljude nejake
Oni danas
svi gledaju u tebe

Ref.

Bori se, izbori se
za djecu, za majke
za ljude nejake
Oni danas
svi gledaju u tebe

Bori se, izbori se
da nestane tmine
za starca što brine
Bosna da mu ...
Bosna da mu opstane

Bori se, izbori se
da nestane tmine
za starca što brine
Bosna da nam ...
Bosna da nam opstane

Rusmir Pabrić

ZAHVALNOST

14. Boračka populacija – sistemsko zbrinjavanje zaslužnih kategorija

Narod i Pravda posebnu pažnju posvećuje boračkoj populaciji koja je u najtežem periodu branila ovu zemlju – položaju demobilisanih boraca i njihovih porodica, šehidskih i porodica poginulih boraca te ratnih vojnih invalida, zalažući se za sistemski pristup rješavanju problema i potreba ove populacije, ne gledajući na nju kroz prizmu socijalnih davanja već kao kategoriju s posebnim zaslugama.



VIJESTI

Ministar Osmanović za Raport: Ove godine imamo najveći budžet za borce. Ispravljamo dugogodišnju nepravdu

Preuzeto sa portala Raport 06.02.2022. godine



NASELJE ROSULJE U VOGOŠĆI

201

Potpisan ugovor za kupovinu 40 stanova pripadnicima boračke populacije u Kantona Sarajevo

N. C.

12

Preuzeto sa portala Klix.ba 15.09.2021. godine

Principi

- Transparentnost
- Jednaka prava na cijeloj teritoriji BiH
- Stambeno zbrinjavanje
- Prekvalifikacija i pristup tržištu rada
- Zbrinjavanje djece boračke populacije

Pravci djelovanja i mjere:

1. Suzbijanje diskriminacije u ostvarivanju jednakosti prava na području cijele BiH
2. Finansiranje projekata rehabilitacije, samozapošljavanja i prekvalifikacije boračke populacije
3. Dopunjavanje podataka iz Federalnog registra branilaca, s podacima o isplataima mjesečnih prava, te integrisanje s Jedinstvenim registrom korisnika gotovinskih naknada
4. Implementacija programa zapošljavanja i odrađivanja pripravničkog staža za djecu šehida, poginulih, umrlih i nestalih branilaca, te za ostale ugrožene kategorije iz reda boračke populacije
5. Podrška boračkim udruženjima na projektnoj osnovi, s posebnim fokusom na programe zbrinjavanje djece šehida i poginulih boraca
6. Finansiranje programa stambenog zbrinjavanja boračke populacije
7. Razvoj kulture sjećanja i odavanje posebnog priznanja učesnicima odbrane BiH
8. Osnivanje domova za veterane, s programskim sadržajima za različite forme rehabilitacije
9. Podrška programima utvrđivanja, obilježavanja i održavanje mezarja, spomenika i drugih obilježja žrtva iz Drugog svjetskog rata i Odbrambeno oslobodilačkog rata 1992-1995
10. Organiziranje edukacija mlađim naraštajima o vrijednostima odbrambeno oslobodilačkog rata 1992-1995, studijskih posjeta memorijalnim centrima i projekata obilježavanja značajnih datuma ovog perioda



Omer Osmanović, ministar za boračka pitanja Kantona Sarajevo:

„Svih preostalih 198 porodica šehida i RVI koje ostvaruju ovo pravo moraju dobiti krov nad glavom. Proteklu godinu u kojoj sam preuzeo dužnost ministra obilježila je dodjela 83 stana, u vlasništvo i na korištenje, vrijednosti 7.200.000 KM, što predstavlja najveći broj dodijeljenih stanova u godini od kako je osnovano ovo ministarstvo. Ove godine zaokružiti ćemo cijeli projekat, dodijeliti sve stanove. Neshvatljivo je da su porodice na realizaciju ovog prava čekale skoro 15 godina.“

PODRŠKA

15. Sport - aktivne i zdrave generacije

Narod i Pravda opredijeljena je za strateški razvoj sporta, prepoznajući njegov izniman značaj za cjelokupno društvo i državu – za promociju države na međunarodnim smotrama, za pravilan razvoj djece i mladih ljudi, za unapređenje zdravstvenog stanja populacije, kao i za opći progres u brojnim drugim segmentima društva.

Principi

- Strateški pristup
- Investiranje u sportske klubove
- Bolji status zaslužnih sportista
- Povećanje budžeta
- Podrška učešću na internacionalnim takmičenjima
- Nagrađivanje zaslužnih sportista

SPORT

Vlada KS osigurala novac: Bh. košarkašice, ipak, putuju na Svjetsko prvenstvo u Australiju

Na zahtjev za hitnu finansijsku pomoć radi odlaska ženske košarkaške reprezentacije BiH na Svjetsko prvenstvo u Australiji, Vlada Kantona Sarajevo osigurala je jučer 150.000 konvertibilnih maraka, neophodnih za kupovinu avionskih karata

Dejan Maksimovic | 12.08.2022



Preuzeto sa portala aa.com.tr 12.08.2022 godine

ZNAČAJAN PRIHOD

Vlada Kantona Sarajevo nagradila Lanu Pudar sa 30.000 KM

K. H. 1.4k
52



Foto: Facebook

28.12.2021.

Preuzeto sa portala Radiosarajevo.ba 19.05.2022. godine

Pravci djelovanja i mjere:

1. Unapređenje regulatornog okvira s ciljem adekvatnog rješavanja pitanja investiranja u bh. sportske klubove
2. Kreiranje i donošenje nove Strategije razvoja sporta u BiH, kao i nedostajućih strategija na nižim nivoima vlasti
3. Vođenje posebne brige o sportskim objektima i izgradnji novih, uz iniciranje izgradnje nacionalnog stadiona i nacionalnog centra za pripremu reprezentativnih selekcija i sportista za međunarodna takmičenja, u saradnji svih nivoa vlasti i sportskih saveza
4. Povećanje izdvajanja za sport, jačanje transparentnosti utroška sredstava, uspostavu preciznih kriterija i uvođenje ekspertize prilikom dodjele sredstava
5. Zalaganje za adekvatno budžetiranje Olimpijskog i Paraolimpijskog komiteta BiH, za četverogodišnji olimpijski i paraolimpijski ciklus
6. Institucionalna podrška razvoju amaterskog i školskog sporta, s ciljem stvaranja sportske kulture, pravovremenih sportskih navika i baze budućih profesionalnih sportista
7. Regulisanje kategorizacije sportista, s ciljem definisanja i adekvatnog tretiranja statusa zaslužnih sportista Bosne i Hercegovine, kao i statusa perspektivnih sportista
8. Regulisanje i kategorizacija sportova, s ciljem utvrđivanja konkurentnosti Bosne i Hercegovine na međunarodnoj sportskoj sceni
9. Povećanje i preciziranje postotka državnog i budžeta nižih nivoa vlasti, te iznalazak novih prihodovnih strana kroz poreske olakšice i iz prihoda igara na sreću za finasiranje sportskih kolektiva, sportskih radnika, pojedinaca, sportskih objekata i drugo
10. Adekvatno nagrađivanje za posebna postignuća u sportu i dodjelu sportskih stipendija za posebno nadarene i perspektivne mlade sportiste
11. Ulaganje u izgradnju i razvoj javnih sportsko-rekreacionih centara

Zastupnik u Skupštini Kantona Sarajevo Amel Mekić:

„Državni Zakon o sportu nije nikada u potpunosti implementiran, premda je donesen još 2007. godine. Bh. sport može krenuti naprijed samo s dovoljnim budžetskim izdvajanjima, i to na principu raspodjele s adekvatnim kriterijima koji će uvažavati strateško opredjeljenje, perspektivnost, nastup na međunarodnim takmičenjima i rezultate, a ne, kao što je do sada praksa često bila, entitetske apetite i zadovoljavanje etničkih kvota. Uz to, neophodno je omogućavanje ozbiljnih investicija u sportsku infrastrukturu i klubove.“



KULTURNO BLAGO

16. Kultura – odbrana kulturnog identiteta BiH

Cilj kulturne politike Naroda i Pravde jeste razvoj postojećih kulturnih kapaciteta i institucija, zaštita kulturno-historijskog materijalnog i nematerijalnog blaga, te kreiranje mjera odbrane kulturnog identiteta Bosne i Hercegovine u izazovima globalizacijskih procesa. Kultura je svojevrstan agens razvoja društva – daje naučni doprinos, ima veliku ulogu u razvoju savremenih privrednih djelatnosti, neizostavan je segment na polju turizma, a ima i poseban značaj u diplomatskim odnosima i vanjskopolitičkom predstavljanju društva, države i nacije.



Preuzeto sa portala Klix.ba 17.08.2022.. godine



Preuzeto sa portala Klix.ba 19.05.2022. godine

Principi

- Zakonska zaštita kulturnih institucija
- Očuvanje kulturnog blaga
- Javno – privatno partnerstvo
- Kulturna edukacija i obrazovanje
- Podrška promociji kulture

Pravci djelovanja i mjere:

1. Usvajanje regulative na državnom nivou, s ciljem utvrđivanje pravnog statusa i okvira djelovanja kulturnih institucija od posebnog značaja za BiH
2. Stvaranje pravne i finansijske stabilnosti institucija kulture u BiH
3. Podrška stvaranju sinteze budžetskog i alternativnog (komercijalnog) modela finansiranja institucija kulture
4. Kadrovsko jačanje Ministarstva civilnih poslova BiH i uspostava državne agencije za razvoj kulture
5. Provođenje analize stanja u kulturi na području cijele BiH, koja obuhvata popis svih artefakata, eksponata i drugih kulturno umjetničkih formi, te uspostavu univerzalne elektronske baze, koja će dati potpun pregled predmetnog blaga
6. Osiguravanje zaštite materijalnog kulturnog bogatstva, zakonskim uređenjem kojim će se omogućiti prijenos, posudba na čuvanje, kao i posudba za realizaciju projekata, te određivanje minimuma sigurnosnih mjera čuvanja prilikom transporta i izlaganja
7. Povećanje sredstava za fondove kulturnog razvoja, uz model segmentarnog finansiranja oblasti kulture
8. Uvođenje ekspertnih komisija pri raspodjeli navedenih sredstava
9. Podrška programima jačanja menadžerskih i marketinških kapaciteta kulturnih ustanova, s ciljem osposobljavanja za aktivno učešće u razvoju kulturnog stvaralaštva
10. Uspostavu instituta za razvoj kulturnih politika
11. Podrška kolektivima i pojedincima za učešće na značajnim međunarodnim nastupima i promociji Bosne i Hercegovine

Ministar kulture i sporta Kantona Sarajevo Samir Avdić:

„Ministarstvo kulture i sporta Kantona Sarajevo, u saradnji sa UNESCO-om u Bosni i Hercegovini, pristupa izradi Strategije razvoja kulture Kantona Sarajevo 2021-2027. Intencija je da u izradu strateškog dokumenta bude uključena akademska zajednica. Posjetili smo Univerzitet u Sarajevu (UNSA) i njegovo rukovodstvo i razgovarali o načinima uključivanja akademske zajednice UNSA u ovaj proces. UNSA raspolaže sa kvalitetnim kadrom, te educira mlade koji će kreirati bolje društvo i kvalitetniji kulturni ambijent.“





DENIS BEĆIROVIĆ

KANDIDAT ZA ČLANA PREDSDJEDNIŠTVA BOSNE I HERCEGOVINE

Sedam (7) razloga zašto glasati za Denisa Bećirovića

PRVI

Prof. dr. Denis Bećirović je u dosadašnjem političkom djelovanju dokazao da je pouzdan, dosljedan i principijelan zaštitnik nezavisne, suverene i nedjeljive države Bosne i Hercegovine, kao i ljudskih prava i građanskih slobode svih njenih građana i naroda. Riječ je poštenom čovjeku za kojeg se ne vežu nikakve korupcijske ili kriminalne afere. Prema izvještajima organizacija koje prate rad državnih organa vlasti dr. Bećirović je jedan od najaktivnijih

predstavnik građana u državnim organima vlasti sa najvećim brojem predloženih pravnih i drugih akata. Osim političkog angažmana, dr. Bećirović je izgradio i uspješnu naučnu karijeru. On je jedan od najmlađih doktora nauka Univerziteta u Sarajevu iz svoje oblasti, predaje nastavu kao univerzitetski profesor, autor je 4 knjige i blizu 50 naučnih i stručnih radova objavljenih u referentnim časopisima u zemlji i inozemstvu. Između ostalog, član je i Odbora za

istorijske nauke Akademije nauka i umjetnosti Bosne i Hercegovine.

DRUGI

Prof. dr. Denis Bećirović je djelima dokazao da ima kapacitet i znanje da povezuje različite bosanskohercegovačke stranake oko kapitalnih pitanja za državu Bosnu i Hercegovinu. Jedanaest opozicionih stranaka koje su ga kandidirale za člana Predsjedništva BiH su otvoreno poručile da je dr. Bećirović

zajednički imenitelj opozicije. On je faktor ujedinjenja, a ne razjedinjenja. On je predvodnik demokratskih snaga u borbi za evropsku, demokratsku i pravnu državu. Njegov koncept je Bosna i Hercegovina kao jedna država za sve, koja na isti način tretira sve građane i koja ne poznaje povlaštene. Došlo je vrijeme da u Predsjedništvu BiH bude neko kome su ljudi i država Bosna i Hercegovina preči od pojedinačnih ili stranačkih interesa.



TREĆI

Prof. dr. Denis Bećirović poznaje situaciju u zemlji, ima bogato političko iskustvo, poznaje političke sudionike (unutar i van države), posjeduje najviša akademska znanja i iskustva, posjeduje resurse/podršku jake političke grupacije (11 opozicionih stranaka). U brojnim prilikama dokazao je da vlada situacijom, ne dopuštajući da situacija i kontekst vladaju njim odnosno njegovim stavovima. On je čovjek koji ne stvara probleme već uvijek traži i pronalazi rješenja, ali isto tako nepokolebljivo i odlučno štiti interese države Bosne i Hercegovine. On je optimista koji vjeruje da Bosna i Hercegovina može i mora biti bolja i pravednija država.

ČETVRTI

Prof. dr. Denis Bećirović posjeduje visoku diplomatsku kulturu i manire koji su neophodni za adekvatno obavljanje predsjedničke funkcije. Često čujemo kako političari nisu na nivou zadatka, kako članovi Predsjedništva BiH prave ozbiljne gafove, čak karikiraju instituciju šefa države dovođenjem svirača

u prostorije Predsjedništva BiH, ne ponašaju se u skladu sa diplomatskim protokolima. Vrijeme je da to mijenjamo, da imamo ličnost koja će nas na dostojanstven način predstavljati, neko ko će vratiti dignitet predsjedničkoj funkciji.

PETI

Prof. dr. Denis Bećirović vraća politiku ljudima, on brine o državi i građanima na pravedan način, on štiti građane i zalaže se za vladavinu zakona i prava. On je pokazao da politika nije sama sebi svrha, politika je alat koji služi ljudima kako bi oni mogli nesmetano da vode svoje živote, brinu se o sebi i svojim bližnjima. Dokazao je da njeguje vrijednosti, prevednost zajednički život i jednakost - on ne kreira strahove i tenzije u društvu. On ne montira afere političkim protivnicima. On je čovjek koji vodi odgovornu politiku da bi njegovi sugrađani imali priliku da se bave slobodno svojim životima.

ŠESTI

Prof. dr. Denis Bećirović je dokazao

i kao predsjednik Državnog parlamenta da može sa potpunim uvažavanjem biti primljen i prihvaćen i na Istoku i na Zapadu. On za razliku od protukandidata iskreno radi na realizaciji strateških vanjskopolitičkih ciljeva Bosne i Hercegovine, kao i na jačanju pozicije Bosne i Hercegovine u međunarodnim odnosima. On može podjednako uspješno zastupati interese Bosne i Hercegovine na raznim meridijanima i paralelama.

SEDMI

Prof. dr. Denis Bećirović ulazi u mandat sa znanjem, elanom, energijom, htijenjem i jasnim programom. Njegove reference nisu skandalozne izjave, neispunjena obećanja, propuštene šanse, pogrešne odluke... Njegova stvarna pozicija ne kreće iz negativnosti, on je kandidat koji kreće iz pozitivne pozicije. On je čovjek kojem ljudi vjeruju, čovjek koji drži datu riječ. Ujedinjena demokratska opozicija i dr. Denis Bećirović su pobjednici izbora 2022!

JAČANJE POZICIJE BIH U SVIJETU

17. Međunarodna i regionalna politika – na putu u NATO i EU

Narod i Pravda čvrsto je opredijeljena za evropske i euroatlantske integracije, s fokusom na ispunjavanje uslova i 14 prioriteta iz Mišljenja Evropske komisije o zahtjevu BiH za članstvo u Europskoj uniji, kao i obaveza na putu prema NATO savezu. Zalažemo se za otvorenu međunarodnu saradnju sa svim dobronamjernim i prijateljskim zemljama i međunarodnim organizacijama na Zapadu i Istoku, na principima međusobnog uvažavanja i u kontekstu korektnih i zdravih političkih, ekonomskih, društvenih i drugih odnosa, kao i regionalnu međudržavnu saradnju na osnovama međusobnog uvažavanja suvereniteta, teritorijalnih integriteta, reciprociteta i dobrosusjedskih odnosa.

Principi

- Ispunjavanje obaveza na EU i NATO putu
- Jačanje diplomatsko-konzularne mreže BiH
- Razvoj ekonomske diplomatije
- Međusobno uvažavanje kao osnov međudržavnih odnosa
- Zaštita državljana BiH u inostranstvu
- Saradnja sa svim prijateljskim zemljama na Zapadu i Istoku

Zvizdić - Ahmetović: Jedini pravi put BiH je put prema EU



Predsjedavajući Predstavničkog doma Parlamentarne skupštine BiH Denis Zvizdić i delegatkinja u Domu naroda PSBiH Marina Pendeš razgovarali su danas u Sarajevu s izvjestiocem Bundestaga za zapadni Balkan Adisom Ahmetovićem.

Članak sa portala Source.ba 04.0.2022. godine

Zvizdić, Kojović, Magazinović, Borenović i Arnaut: Otvaramo vrata evropskom putu BiH



Foto: Arhiva / Fena

Predsjedavajući Predstavničkog doma PSBiH Denis Zvizdić i poslanici u Predstavničkom domu PSBiH Nermin Nikšić, Saša Magazinović, Peđa Kojović, Branislav Borenović i Damir Arnaut održali su danas press konferenciju.

Preuzeto sa portala Vijesti.ba 10.03.2022. godine

Pravci djelovanja i mjere:

1. Fokus institucija na svim nivoima vlasti u Bosni i Hercegovini za čije upravljanje kadrovi Naroda i Pravde preuzmu odgovornost bit će na ispunjavanju 14 prioriteta iz Mišljenja Evropske komisije o zahtjevu BiH za članstvo u Europskoj uniji
2. Poboljšanje efikasnosti rada Komisije za saradnju BiH s NATO-om, Ministarstva odbrane BiH i Vijeća ministara BiH, s ciljem donošenja i realizacije Programa reformi BiH i što skorije realizacije MAP-a
3. Aktivan rad na uspostavljanju novih i realizaciji postojećih bilateralnih i multilateralnih ugovora Bosne i Hercegovine i zemalja i organizacija iz inostranstva, a prioritetno onih koje omogućavaju ubrzan ekonomski razvoj zemlje poput Svjetske trgovinske organizacije (WTO)
4. Uspostavljanje i jačanje diplomatskih odnosa sa svim zemljama regije kao i svim dobronamjernim i prijateljskim organizacijama na Zapadu i Istoku, a u cilju realizacije ekonomskih, političkih, sigurnosnih, obrazovnih, naučnih, kulturnih i sportskih interesa Bosne i Hercegovine i njenih građana, te njihove pravne zaštite u inostranstvu, posebno u kriznim situacijama
5. Insistiranje na reciprocitetu u međusobnim diplomatskim odnosima, na osnovu međusobnog uvažavanja i dobre diplomatske prakse, kao i međunarodnih konvencija koje regulišu ovu materiju
6. Profesionalizacija diplomatsko-konzularne mreže Bosne i Hercegovine i njenih najistaknutijih predstavnika – ambasadora i konzula, kroz uspostavljanje seta objektivnih i transparentnih profesionalnih kriterija za njihov izbor, omogućavanje njihove kontinuirane edukacije i koordinacije strateškog djelovanja u zemljama i pri međunarodnim organizacijama gdje su akreditirani
7. Donošenje strateškog programa ekonomske diplomatije, s preciznim i mjerljivim indikatorima kontrole realizacije i uspjeha predviđenih smjernica
8. Iniciranje donošenja Zakona o vanjskim poslovima BiH, s ciljem poboljšanja funkcioniranja Ministarstva vanjskih poslova, uvođenja striktnijih pravila u njegov rad, te više reda u sistem funkcioniranja cjelokupne diplomatsko-konzularne mreže

Denis Zvizdić, Drugi zamjenik predsjednika Naroda i Pravde i zastupnik u PD Parlamentarne skupštine Bosne i Hercegovine:

„Evropske integracije najvažniji su vanjskopolitički cilj Bosne i Hercegovine koji nema alternativu, jer naša je namjera demokratizirati bh. društvo i osigurati ekonomski prosperitet svih građana naše zemlje. Evropske integracije za našu zemlju bitne su iz nekoliko aspekata, prije svega načela vladavine prava, integriranosti u veliko ekonomsko, slobodno tržište te potpuno poštivanje pravne stečevine, pravnih i ekonomskih kriterija, sigurnosne i odbrambene politike, te u konačnici, osiguravanje prosperitetne i sigurne budućnosti. Ono što je najvažnije sa strane Evrope je da ostane aktuelna i živa perspektiva proširenja Evrope na zapadni Balkan, a s naše strane vrlo jasan stav svih organa vlasti da evropske integracije nemaju alternativu.“

18. Dijaspورا i povratnici – veza s domovinom i održivi povratak

Narod i Pravda je svjesna neminovnosti jačanja državnih kapaciteta za oblast iseljeničtva na svim nivoima vlasti, a s ciljem uspostavljanje institucionalne i projektne saradnje s bh. građanima u dijaspori i omogućavanje njihovog uključivanja u sve društvene, ekonomske i političke procese u BiH, kao i postepeno stvaranje pretpostavki za povratak u domovinu. Broj iseljenika

iz BiH izjednačava se sa brojem bh. stanovništva u domovini, a obrazovna, ekonomska i socijalna struktura iseljenika višestruko je bolja nego stanje ljudskih potencijala u zemlji, što dijasporu trenutno čini najvitalnijim i najznačajnijim elementom bh. društva i države.

Kada je riječ o bosanskohercegovačkom stanovništvu koje se vratilo na svoja prijeratna prebivališta, opredijeljeni smo za značajno povećanje ulaganja u sredine u koje se vratilo protjerano ili iseljeno stanovništvo, kao i mjesta gdje postoji potencijal za povratak, u skladu sa stvarnim potrebama povratnika i s ciljem dugoročne održivosti i stvaranja sigurnosnih i ekonomskih uvjeta za život, sprječavanje diskriminacije u obrazovanju i drugim oblastima, te bolju zastupljenost prilikom zapošljavanja u institucijama javnog sektora.

Principi

- Institucionalna saradnja s dijasporom
- Učešće dijaspore u procesima u domovini
- Povećana ulaganja u mjesta povratka
- Sigurnost i ekonomski uvjeti za dostojanstven život
- Zaštita prava

Pravci djelovanja i mjere:

1. Iniciranje osnivanja zasebnog državnog ministarstva za pitanja dijaspore ili državne agencije za dijasporu pod ingerencijom Ministarstva za ljudska prava i izbjeglice ili znatno jačanje i kapacitiranje Sektora za iseljeništvo pri Ministarstvu za ljudska prava i izbjeglice
2. Pružanje podrške programima i projektima jačanja bosankohercegovačkog identiteta i veze iseljenika s domovinom, s ciljem učvršćivanja veza, posebno novih generacija s maticom
3. Donošenje sveobuhvatne državne strategije saradnje s dijasporom te jasno definisanim akcionim planovima, preciziranim nadležnim institucijama za

Sead Trnovac: "Mi se odričemo svih pozicija, samo da naša platforma bude prihvaćena!" – dogovori pro-bosanskih stranaka (VIDEO PRILOG)

26. januara, 2022

1298



Preuzeto sa portala Podrinjemedija.ba 26.01.2022. godine

Nedim Čivić, član Predsjedništva Naroda i Pravde iz Zvornika i nekadašnji poslanik u Narodnoj skupštini Republike Srpske:

„Federalno ministarstvo raseljenih osoba i izbjeglica godinama dijeli novac u Podrinju za zapošljavanje, bez jasnih kriterija i netransparentno. U šta su potrošeni milioni namijenjeni povratnicima, šta su efekti tih miliona?! Neka nam pokažu jedan projekat od kojeg su svi imali koristi. Biraju se projekti prijatelja i podobnih. Odrede se liste korisnika odabranih po zakonskim propisima, a onda se te utvrđene liste mijenjaju na način da se nepodobni izbacuju sa spiska. Prije pet godina ukazivali smo na to, devet mjesnih zajednica sa područja opštine Zvornik uputilo je dopis federalnom premijeru Fadilu Novaliću u kojem su tražili informacije o tome ko i na koji način dobija sredstva za povratnike u opštini Zvornik. Mjesne zajednice nikad nisu dobile odgovor.“





Preuzeto sa portala Klix.ba 09.06.2022. godine

Advokat Haris Kaniža: Bosanski jezik uvršten u nacionalnu grupu predmeta - historijska presuda za Bošnjake i povratnike



Preuzeto sa portala Preporod.info 05.12.2019. godine

implementaciju planova, rokovima i nadzorom

4. Podrška vladinim i nevladinim programima i projektima koji za cilj imaju veću ekonomsku, društvenu i političku uključenost bh. dijaspore u domovini, jačanje konekcija s bh. ekspertima u dijaspori, razvoj kanala komunikacije između BiH i iseljeništva, obrazovne prekogranične aktivnosti, smjernice za investiranje u domovini, forume, transfere znanja i tehnologija
5. Iniciranje razvoja projekta „mapiranja dijaspore“, koji će prikupiti i objediniti sve relevantne podatke o bh. dijaspori, njenom broju, obrazovnoj i ekonomskoj strukturi iseljenika, najvažnijim organizacijama, istaknutim pojedincima u svim oblastima (obrazovanje, privreda, sport, kultura i dr.), politički angažiranim osobama i funkcionerima u zemljama iseljeništva, medijima i dr.
6. Iniciranje i podrška kreiranju svojevrsnog „vodiča“ za dijasporu, koji će obuhvatiti sve relevantne podatke i informacije o domovini, za kojima postoji interesovanje bh. dijaspore, posebno u oblastima u kojima se može ostvariti uska saradnja i dugoročno povezivanje
7. Značajno povećanje ulaganja u sredine u koje se vratilo protjerano ili iseljeno stanovništvo, posebno u entitetu RS, kao i mjesta gdje postoji potencijal za povratak, u skladu sa stvarnim potrebama povratnika i s ciljem dugoročne

Haris Kaniža, advokat i predsjednik Kantonalne organizacije Naroda i Pravde SBK:

„Vrhovni sud Republike Srpske je meni kao punomoćniku dostavio svoju presudu. Vrhovni sud RS-a je u potpunosti usvojio tužbeni zahtjev tužitelja, učenika i njihovih roditelja iz mjesta Vrbanjci i okolnih mjesta Kotor Varoši. Utvrdio je diskriminaciju ovih učenika, da im je povrijeđeno pravo na obrazovanje, da se prema njima nije jednako pristupalo kao prema nekoj drugoj djeci u Republici Srpskoj i naložio da Osnovna škola "Sveti Sava" Kotor Varoš i Republika Srpska kao entitet u tu školu uvedu i uvrste nacionalnu grupu predmeta po bosanskom planu i programu.“

održivosti, te aktivnu političku prisutnost i institucionalnu podršku u tim mjestima

8. Stvaranje sigurnosnih i ekonomskih preduvjeta za povratak i ostanak povratnika u svojim krajevima, za sprječavanje diskriminacije u obrazovanju i drugim oblastima, te bolju zastupljenost prilikom zapošljavanja u institucijama javnog sektora u sredinama povratka
9. Podrška rješavanju izraženih problema nejednakog institucionalnog pristupa prema Bošnjacima, Hrvatima



Preuzeto sa stranice Pressmedia.ba 31.12.2021. godine

i ostalima u Republici Srpskoj i njihove neadekvatne zastupljenosti u institucijama sistema, kao i rješavanje problema s kojima se susreću Srbi u nekim kantonima u Federaciji BiH, gdje im je ugrožena konstitutivnost u kontekstu zastupljenosti u zakonodavnim organima i pristupa institucijama

10. Podrška projektima privrednog i svakog drugog pozitivnog vida uvezivanja dijaspore s povratničkom populacijom u zemlji



Preuzeto sa portala Desavanjaubijeljini.com



Preuzeto sa stranice Klix.ba 15.04.2022. godine



Mladi – Budućnost Bosne i Hercegovine

Svjesni činjenice da je problem odlaska mladih iz zemlje najveći problem s kojim se Bosna i Hercegovina trenutno susreće, jer utječe na najznačajnije elemente države, na demografsku sliku, privredni razvoj, stabilnost zdravstvenih i penzionih fondova, obrazovni i zdravstveni sistem, te općenito na budućnost zemlje, Narod i Pravda svoju viziju posvećenosti mladoj populaciji tretira zasebnim programskim dokumentom, koji obuhvata politiku Naroda i Pravde u ključnim oblastima za razvoj mladih, u skladu s problemima i potrebama koje su definirali mladi: zapošljavanje, obrazovanje, socijalna skrb, zdravstvo, sport, kultura, mobilnost i dr. Ovdje ćemo navesti samo neke od najznačajnijih mjera i prava djelovanja za poboljšanje položaja mladih u BiH, te ključne aktivnosti koje je Narod i Pravda posvetila u oblasti političkog organizovanja, edukacije i participacije u značajnim procesima.

Principi

- Obrazovanje
- Zapošljavanje
- Učešće u društveno-političkim procesima
- Socijalna zaštita
- Zdravstvena zaštita
- Sport, kultura i slobodno vrijeme
- Politička edukacija



Preuzeto sa portala Klix.ba 20.02.2021. godine



Prva sjednica Povjereništva mladih Naroda i Pravde BiH

Pravci djelovanja i mjere:

Narod i Pravda je kreirala zasebnu Platformu za mlade, koja obuhvata šest ključnih oblasti za populaciju mladih, te desetine konkretnih mjera od kojih ćemo predstaviti samo neke:

1. U oblasti zapošljavanja mladih, Narod i Pravda je opredijeljena za revidiranje dosadašnjih programa zapošljavanja i fokusiranje na prvu priliku za posao u realnom sektoru; zatim na značajno povećanje budžetskih izdvajanja za zapošljavanje mladih; uvođenje dualnog obrazovanja i usklađivanje obrazovanja s tržištem rada, te poseban fokus na razvoj preduzetništva i stvaranje nove preduzetničke generacije u BiH i dr.
2. Kada je riječ o obrazovanju, Narod i Pravda zalaže se za ulaganje u razvoj praktične nastave tokom školovanja, povećanje sredstava za stipendiranje učenika i studenata i klasifikaciju stipendija na nagradne, socijalne i za deficitarna zanimanja; podršku programima neformalnog obrazovanja; povećanje sredstava za naučno-istraživačke projekte, i dr.
3. U segmentu socijalne zaštite, Narod i Pravda je fokusirana na progresivne i preventivne mjere s posebnim akcentom na period od završetka školovanja do pronalaska prvog zaposlenja; zatim na širenje koncepta stambenog zbrinjavanja i na one koji nisu kreditno sposobni za najam stambenog prostora; poboljšanje učinkovitosti socijalnih službi u segmentu brige o mladima, sistemsku podršku mladim bračnim parovima, s posebnom podrškom za programe zapošljavanja i zbrinjavanja djece šehida i poginulih boraca i dr.
4. Kada je u pitanju učešće mladih u društveno-političkim procesima, zagovaramo dosljednu primjenu postojećih zakona o mladima u BiH, podršku predstavničkim tijelima mladih na svim nivoima, osnivanje i kapacitiranje centara za mlade za provođenje vannastavnih aktivnosti, podršku projektima za mlade i omladinskim udruženjima, te jačanje



direktnih kanala komunikacije dostupnih mladima sa svim izabranim i imenovanim funkcionerima Naroda i Pravde i dr.

5. U oblasti zdravstvene zaštite mladih, Narod i Pravda zalaže se za dostupnost zdravstvenog osiguranja svim mladim ljudima bez obzira na radni status; uspostavljanje diskretnih psiholoških savjetovališta za mlade; poboljšanje regulatornog okvira u kontekstu suzbijanja konzumiranja duhana, alkohola i drugih štetnih supstanci; podršku programima jačanja zdravstvenog odgoja u osnovnim i srednjim školama; doedukaciju medicinskog osoblja u kontekstu razumijevanja posebnih potreba mladih; izgradnji infrastrukture za popularizaciju fizičkih aktivnosti među omladinom i dr.
6. Sport, kultura i slobodno vrijeme – zalažemo se za omogućavanje privatnog investiranja i jačanje bh. sportskih klubova; razvoj programa amaterskog i školskog sporta; programe podrške razvoju kulturnih sadržaja prilagođenih mladima; razvoj sportske infrastrukture i omogućavanje široke dostupnosti i dr.



Preuzeto sa portala Raport.ba 16.06.2021. godine

Vlada KS će sufinansirati najam stanova mladim bračnim parovima

06.07.22. 16:02 | 3

Radiosarajevo.ba



Foto: N. G. / Radiosarajevo.ba / Sjednica Skupštine KS, Elvedin Okerić

Na današnjoj sjednici Skupštine Kantona Sarajevo prihvaćena je inicijativa predsjedavajućeg Elvedina Okerića za sufinansiranje najma stanovanja za mlade bračne parove koji nisu kreditno sposobni i nemaju mogućnost kupovine stambenog prostora.

Preuzeto sa portala Radiosarajevo.ba 06.07.2022. godine




Ko će dobiti 10.000 KM za stan ili kuću?

SARAJEVO | 08/08/2022 u 20:30 h

Objavljen je javni poziv za subvencioniranje rješavanja stambenog pitanja mladih u KS-u koji će trajati 30 dana

Ministarstvo komunalne privrede, infrastrukture, prostornog uređenja, građenja i zaštite okoliša KS-a objavilo je javni poziv za subvencioniranje rješavanja stambenog pitanja mladih u KS-u do 10.000 KM. Javni poziv objavljen je na web stranici pomenutog ministarstva, a dostupan je na linku <https://mkipgo.ks.gov.ba/node/21262>, kao i obrazac za prijavu. Rok za prijave je 30 dana.

Preuzeto sa portala Oslobođenje.ba 08.08.2022. godine



Statistika mladih i žena u vijećima širom Bosne i Hercegovine



Politička akademija Naroda i Pravde - dodjela certifikata Generaciji 20/21

Azhar Sejarić, predsjednik Povjereništva mladih Naroda i Pravde BiH i član Predsjedništva NiP:

“Formiranje i aktivno djelovanje Povjereništva mladih je potvrda da se ideja Narod i Pravda uveliko širi, a temelj tog širenja su upravo mladi ljudi, stoga mi je izuzetna čast, zadovoljstvo, ali i odgovornost biti dio jedne mlade ekipe koja će u periodu ispred nas raditi na jačanju strukture mladih kao i na svim projektima koji će imati za cilj poboljšanje položaja mladih u BiH. Mnogo je posla iza nas, ali nas također čeka još mnogo napora kako bismo na najbolji način odgovorili svim izazovima. Pored međusobnog povjerenja, naša vodilja treba da bude naša država i svi njeni građani. Nikada svojim postupcima i izjavama ne smijemo raditi protiv interesa države BiH, Lični interes nikada ne smije biti važniji od javnog interesa. Nikad sebi ne smijemo dozvoliti da budemo lažni predstavnici naroda koji se u narod kunu, a istovremeno ga kradu. Ovo je drugačija politika koja se neće umoriti u borbi za pravedno društvo.”





**NAROD
I PRAVDA**

PRISTUPNICA

www.narodipravda.ba

Ime (ime oca) prezime:

Mjesto i datum rođenja:

Država, entitet, kanton općina ili distrikt:

Adresa stanovanja:

Kontakt telefon:

E-mail adresa:

Naziv završene škole/fakulteta:

Zanimanje/zvanje:

Zaposlenje:

DA

NE

Naziv ustanove / firme:

Spol:

M

Ž

Nacionalnost:

B

S

H

O

Uplata članarine:

DA

NE

Aktivan član Naroda i Pravde:

DA

NE

ZAVISNO OD
MOGUĆNOSTI

Datum popunjavanja:

Davalac podataka - član Narod i Pravda, potvrđuje da lične podatke daje dobrovoljno i da se isti mogu koristiti samo u svrhu izdavanja članske karte i vođenja evidencije članstva, te ostvarivanje prava i dužnosti člana političke organizacije Narod i Pravda koje mu po statutu pripadaju.



I ZEMLJA I LJUDI DRŽAVA

Više o našim kandidatima i programu
možete pogledati na web stranici
www.nip2022.ba ili skenirajte QR kod:

